


文134
8206

文134

8206


5-2



全唐詩目 第六函

第二冊

劉禹錫 卷至五卷



全唐詩

劉禹錫

劉禹錫字夢得彭城人貞元九年擢進士第登博學宏詞科從事淮南幕府入爲監察御史王叔文用事引入禁中與之圖議言無不從轉屯田員外郎判度支鹽鐵案叔文敗坐貶連州刺史在道貶朗州司馬落魄不自聊吐詞多諷託幽遠蠻俗好巫嘗依騷人之旨倚其聲作竹枝詞十餘篇武陵谿洞間悉歌之居十年召還將置之郎署以作立都觀看花詩涉譏忿執政不悅復出刺播州襄度以母老爲言改連州徙夔和二州久之徵入爲主客郎中又以作重游立都觀詩出分司東都度

仍薦為禮部郎中集賢直學士度罷出刺蘇州徙汝同
二州遷太子賓客分司禹錫素善詩晚節尤精不幸坐
廢偃蹇寡所合乃以文章自適與白居易酬復頗多居
易嘗敘其詩曰彭城劉夢得詩豪者也其鋒森然少敢
當者又言其詩在處應有神物護持其為名流推重如
此會昌時加檢校禮部尚書卒年七十二贈戶部尚書
詩集十八卷今編為十二卷

團扇歌

團扇復團扇奉君清暑殿秋風入庭樹從此不相見上
有乘鸞女蒼蒼蟲網一作網遍明年入懷袖別是機中練

宜城歌

野水繞空城行塵起孤驛荒一作花臺側生樹一作柏石碣陽鐫
額靡靡度一作渡行人溫風吹宿麥

順陽歌

朝辭官軍驛前望順陽路野水齧荒墳秋蟲鏤宮一作官樹
曾聞天寶末胡馬西南驚城守魯將軍拔城從此去

莫徭一作徭歌

莫徭自生長名字無符籍市易雜鮫人婚姻通木客星
居占泉眼火種開山脊夜渡千仞谿含沙不能射

度桂嶺歌

桂陽嶺下下復高高人稀鳥獸駭地遠草木豪寄言千
金子知余歌者勞

插田歌 并引

連州城下俯接村墟偶登郡樓適有所感遂書其事為俚歌以俟采詩者

岡頭花草齊燕子東西飛田塍望如線白水光參差農婦白紵裙農父綠蓑衣齊唱郢田一作中歌嚶儻如竹枝但聞怨響音不辨俚語詞時時一大笑此必相嘲嗤水平苗漠漠煙火生墟落黃犬往復還赤雞鳴且啄路旁誰家郎烏帽衫袖長自言上計吏年幼離帝鄉田夫語計吏君家儂定諳一作記一作喻一來長安道眼大不相參計吏笑致辭長安真大處省門高軒峩儂入無度數昨來補衛士唯用筒竹布君看二三年我作官人去

葡萄歌 一作蒲桃

野田生葡萄纏繞一枝高一作萬移來碧墀下張王日日高
分岐浩繇繇脩蔓蟠詰曲揚翹向庭柯意思如有屬為之立長檠一作架布濩當軒綠米一作朱液漑其根理疎看滲漉
繇葩組綬結懸寶珠璣蹙馬乳帶輕霜龍鱗曜初旭有客汾陰至臨堂瞪雙目自言我晉人種此如種玉釀之成美酒令人飲不足為君持一斗往取涼州牧

蠻子歌

蠻語鈎輈音一作鈎輈語音蠻蠻身一作衣斑斕布熏狸一作掘沙
鼠時節祠盤瓠忽逢乘馬客恍若驚麇一作顧腰斧上高山意行無舊路

馬嵬行

綠野扶風道黃塵馬嵬驛路邊楊貴人墳高三四尺乃
問里中兒皆一作言幸蜀時軍家誅戚族一作天子捨妖姬
羣吏伏門屏貴人牽帝衣低回轉美目風日為無暉貴
人飲金屑倏忽舜一作英暮一作平生服杏一作丹顏色真如
故屬車塵已遠里巷來窺覩共愛宿妝妍君王畫眉處
履綦無復有履組光未滅不見巖畔人空見凌波襪郵
童愛踪跡私手解顰結傳看千萬眼縷絕香不歇指環
照骨明首飾敵連城將入咸陽市猶得賈胡驚

百花行

長安百花時風景宜輕薄無人不沽酒何處不聞樂春

風連夜動微雨凌曉濯紅焰出牆頭雪光映樓角繁紫
韻松竹遠黃繞籬落臨路不勝愁輕煙去何託滿庭蕩
魂魄照廡成丹渥爛熳簇顛狂飄零勸行樂時節易晚
晚清陰覆池閣唯有安石榴當軒慰寂寞

壯士行

陰風振寒郊猛虎正咆哮徐行出燒地連吼入黃茅壯
士走馬去鐙前彎玉弣叱之使人立一發如鉞一作交悍
睛忽犀墮飛血濺林梢彪炳為我席羶腥充我庖里中
欣害除賀酒紛叟號明日長橋上傾城看斬蛟

苦雨行

悠悠飛走情同樂在陽和歲中三百日常恐一作風雨多

天人信遐遠時節易蹉跎洞房有明燭無乃一作酣且歌

華山歌

洪鑪作高山元氣鼓其橐俄然神功就峻拔在寥廓靈
跡露指爪殺氣見稜角凡木不敢生神僊聿來託天資
帝王宅以我一作為關鑰能令下國人一作不見換神骨高
山固無限如此方為嶽丈夫無特達雖貴猶碌碌

拋毬樂詞

五綵繡團圓登君瑋瑁筵最宜紅燭下偏稱落花前上
客如先起應須贈一船
春早見花枝朝朝恨發遲及看花落後却憶未開時幸
有拋毬樂一杯君一作莫辭

華清詞一作華清宮詞

日出驪山東裴回照溫泉樓臺影一作玲瓏稍稍開白煙
言昔太上皇常居此祈年風中聞清樂往往來列仙翠
華入五雲紫氣歸上玄哀哀生人淚泣盡弓劍前聖道
本自我凡情徒顛然小臣感玄化一望青冥天

送春曲三首

春向晚春晚思悠哉風雲日已改一作故花葉自相催漠漠
空中去何時天際來

春已暮冉冉如人老映葉見殘花連天是青草可憐桃
與李從此同桑棗

春景一作去此去何時回遊人千萬恨落日高臺寂寞

繁一作不歸花盡流鶯歸莫來

初夏曲三首

銅壺方促夜斗柄暫南回稍嫌單衣重初憐北戶開西園花已盡新月為誰來

時節過繁華陰陰千萬家巢禽命子戲園果墜枝斜寂寞孤飛蝶窺叢覓晚花

綠水風初暖青林露早晞麥隴雉朝雒桑野人暮歸百

舌悲花盡平蕪一作無聲一作絕無來去飛

擣衣曲

爽砧應秋律繁杵含淒風一一遠相續家家音不同戶庭凝露清伴侶明月中長裾委襞積輕珮垂璁籠汗餘

衫更馥鈿移麝半空報寒驚邊鴈促思聞候蟲天狼正芒角虎落定相攻盈篋寄何處征人如轉蓬

畬田行

何處好畬田團團縵山腹鑽龜得雨卦上山燒臥木驚磨走且顧羣雉一作雞聲咿喔紅焰遠成霞輕煤一作樂飛入郭

風引上高岑獵獵度青林青林望靡靡赤光低復起照潭出老蛟爆竹驚山鬼夜色不見山孤明星漢間如星

復如月俱逐曉風滅本從敲石光遂至烘天熱下種暖灰中乘陽拆牙一作芽孽一作葉蒼蒼一雨後蒼穎如雲發一作

人拱手吟耕耨不關心由來得地勢徑寸有餘金一作陰

鷓鴣吟

朝陽有鳴鳳不聞千萬祀
鴟鳩催衆芳晨間先入耳
秋風白露晞從是爾啼時
如何上春日唧唧滿庭飛

觀雲篇

興雲感陰氣疾足一作走如見機晴來意態行有若功成歸

蕙龍含晚景潔白一作素凝秋暉夜深度銀漢漠漠仙人衣

養鷲詞并引

途逢少年志在逐獸方呼鷹隼以襲飛走因縱觀

之卒無所獲行人有常從事於斯者口夫鷲禽飢

則爲用今哺之過篤於然也予感之作養鷲詞

養鷲非玩形所資擊鮮力少年昧其理白日一作夜哺不息

探雛網黃口旦暮有餘食寧知下講時翅重飛不得藉

總止林表狡兔自南北飲啄既已盈安能勞羽翼

別友人後得書因以詩贈

前時送君去揮手青門橋路轉不相見猶聞馬蕭蕭今

得出關書行程一作塵日已遙春還遲君至共結一作編芳蘭茗

送華陰尉張茗赴邕府使幕張即燕公之孫頃坐事除名

昔忝南宮郎往來東觀頻嘗披燕公傳聳若窺三辰翊

聖崇國本像一作保賢正朝倫高視緬今古清風夙無鄰蘭

錡照通衢一家十朱輪鄴國嗣侯絕韋卿世業貧太子

承一作成大名少年振芳塵青袍仙掌下矯首凌煙旻公冶

本非罪潘郎一爲民風霜苦搖落堅白無緇磷一旦逢

良時天光燭幽淪重爲長裾客佐彼觀風臣分野窮禹

畫人煙過虞巡不言此行遠所樂相知新雨起巫山陽
鳥鳴湘水濱離筵出蒼莽別曲多悲辛今朝一杯酒明
日千里人從一作此孤舟去悠悠天海春

送湘陽熊判官孺登府罷歸鍾陵因寄呈江西
裴中丞二十三元

射策志未就從事歲云除篋留馬卿賦袖有劉弘書忽
見夏木深悵然憶吾廬復持州民刺歸謁專城居君家
誠易知勝絕傾里閭人言北郭生門有卿相輿鍾陵靄
一作萬千里帶郭西江水朱檻照河宮旗亭綠雲裏前年一作
初缺守慎簡由宸宸臨軒弄郡章得人方付此是時左
馮翊天下第一理貴臣持牙璋優詔發青紙迎風姦一作

吏免先令疲人喜何武刻腐儒陳蕃禮高士昔升君子

堂腰下綬猶黃中丞時為汾陰有寶氣赤董多奇一作鉞束

簡下曲臺佩鞬來歷陽綺筵陪一笑蘭室襲餘芳風水

忽異勢江湖遂一作相忘因君倘一作借問為話老滄浪自註

為博士製相國柳宜城謚議識者疏之頃授予以其本族後牧和州節度使杜司
徒以中丞材畧俱高欲令軍裝以重戎府故授以本州團練使滿座觀腰鞬禮成
雖甚相視而笑後房燕樂卜夜縱談予忝司徒之寶鞬襲來坐初中丞自尚書屯
田員外郎出守踵其武者今給事中穆公代給事者右丞段公予不佞繼右丞之
後故曰襲
餘芳焉

送韋秀才道冲赴制舉

驚禽一辭巢棲息無少安秋扇一離手流塵蔽霜紈故
侶不可追涼風日已寒遠逢杜陵士別盡平生歡逐客
無印綬楚江多芷蘭因居暇時遊一作君長鈇不復彈閱

書南軒霽一作絙瑟清夜闌萬境身外寂一杯腹中寬伊

昔玄宗朝冬卿冠鴛鸞肅穆升內殿從容領儒一作冠游

夏無措詞陽秋垂不刊至今羣玉府學者空縱觀世人

希德門揭若攀峰巒之子尚明訓鏘如振琅玕一旦西

上書斑衣拂征鞍荆臺宿暮雨漢水浮春瀾君門起天

中多士如星攢煙霞覆雙闕拚舞羅千官清漏滴銅壺

仙廚下雕槃一作熒煌仰金榜錯落濡飛翰古來才傑士

所嗟遭時難一鳴從此始相望青雲端

送李策秀才還湖南因寄幕中親故兼簡衡州

呂一作李八郎中

深春風日淨晝長幽鳥鳴僕夫前致詞門有白面生攝

衣相問訊解帶坐南榮端志見眉睫苦一作言發精誠因

出懷中文調孤詞亦清悄如促柱弦掩抑多不平乃言

本蜀士世降岷山靈前人秉藝文高視來上京曳綬司

徒府所從信國楨析一作薪委寶一作林善響繼家一作難繼聲何

處翳附郭幾人思邱成一作雲天望喬木風水悲流萍前

與計吏西始列貢士名森然就筆札從試春官卿帝城

岐路多萬足伺一作晨星茫茫風塵中工拙同有營寒女

勞夜織山苗榮寸莖侯門方擊鐘衣褐誰將迎弱羽果

摧頽壯心鬱怍怍諒無蟠木容聊復蓬累行一作昨日訊

靈龜繇言利艱貞當求捨拔中必在審已明誓將息薄

游焦思窮筆精蒔蘭在幽渚安得揚芬馨一作余摧落

者散質負華纓一聆苦辛詞再動伊鬱情身棄言不動
愛才心尚一作上驚恨無羊角風使爾化北溟論罷情益親
涉旬忘歸程日攜邑中客閑眺江上城晝憩命金壘宵
談轉璿衡薰一作蕙風香塵尾月露濡桃笙忽被戒羸驂薄
言事南征火雲蔚千里旅思浩已盈湘江含碧虛衡嶺
浮翠晶豈伊山水異適與人事并油幙侶一作似昆丘粲然
疊瑤瓊庾樓見清月孔坐多綠醴復有衡山守本自雲
龍庭一作善抗志一作至和在靈府發越倅咸英一揮一作麾出滎陽惠
彼啗啗氓隼顏辭灞水居者皆涕零惟昔與伊人交歡
經一作在宿齡一從雲雨散滋我鄙吝萌北渚不堪愁南音
誰復聽離憂若去水浩漾無時停嘗聞祝融峰上有神

禹銘古石琅玕姿秘文螭虎形聖功莫遠服神物擁休
禎賢人在其下彷彿疑蓬瀛君行歷郡齋大袂拂雙旌
飾容遇朗鑒肝鬲可以呈昔日馬相如臨邛坐盡傾勉
君刷羽翰蚤取凌青冥

送張盥赴舉詩 并引

古人以借受學為同門友今人以借升名為同年
友其語熟見縉紳者皆道焉余與張盥為丈人由
是道也曩吾見爾之始生以老成為祝今吾見爾
之成人以未立為憂吾不幸向所謂同年友當其
盛時聯袂齊鑣巨絕九衢若屏風然今來落落如
曙星之相望昔日會合不煩異席可長太息哉

五尚書右丞衛大受兵部侍郎武廷碩二君者當
時偉人咸萬夫之望足以訂十朋之多也第如京
師無騷騷爾無忻忻爾時秋也吾為若叩商之謳
幸有感夫二君子

爾生始懸弧我作座上賓引箸舉湯餅祝詞天麒麟今
成一丈夫坎坷愁風塵長裾來謁我自號廬山人道舊
與撫孤悄然傷我神依依見眉睫嘿嘿含悲辛永懷同
年友追想出谷晨三十二君子齊飛凌煙旻一作曲江一
會時後會已凋淪況今三十載閱世難重陳盛時一已
過來者日口新不如搖落樹重有明年春火後見琮璜
霜餘識松筠肅風一作乃獨秀武部一作抱亦絕倫爾今持我

詩西一作見二重臣成賢必念舊保貴一作在安貧清時為
承郎氣力侔陶鈞乞取斗升水因之雲漢津

和州送錢侍御自宣州幕拜官便於華州覲省

五綵繡衣裳當年正相稱春風舊一作關路歸去真多興

蘭陔行可採蓮府猶回瞪楊家紺幃迎侍御即王相公員擘謝守瑤

垂贈宣州崔相公御街草泛灑臺柏煙含凝一作曾是平生一作書

遊一作無因理歸乘

送僧方及南謁柳員外并序

九江僧方及既出家依匡山一時中頗屬詩以據
思古詩人暨今號為能賦有輒求其詞吟呻之拳
拳然多多益嗜影不出山者十年嘗登最高峰四

望天海冲然有遠遊之志頓錫而言曰神馳而形
闕者方內之徒及吾無方闕於何者由是耳得必
日探之意行必身隨之雲遊鳥迹而遠予為
連州居無何而方及至出祓中詩一篇以贖予其
詞甚富留一歲觀其行結矩如教益多之一旦以
行日來告且曰雅聞鳥味之下有賢諸侯願躋其
門如蹈十地敢乞辭以抵之予唯而賦顧其有重
請之色見於顏間耳

昔事

一作

廬山遠精舍虎溪東朝陽照瀑水樓閣虹霓中

騁望羨游雲振衣若秋蓬舊房閉松月遠思吟江風古
寺歷頭陀奇峰扳一作祝融南登小桂嶺却望歸塞鴻衣

祓貯文章自言學雕蟲捨榆念陵厲覆篋圖

一作宮崇遠

郡多暇日有詩訪禪宮石門聳

一作

峭絕竹院舍空濛幽

響滴巖溜晴芳飄野叢海雲懸颺母山果屬狙

一作

公忽

憶吳興郡白蘋正葱蘢願言挹風采邈若窺華嵩桂水

夏瀾急火山宵

一作

焰紅三衣濡菌露一錫飛煙空勿謂

翻譯徒不為文雅雄古來賞音者焦爨得孤桐

按孤公直

而越絕書有緩公張衡賦南都有緩父
長嘯之句是而言謂緩為公舊矣

送惟良上人

并引

以貌窺天者曰乾然健單于然而高以數迎天者
曰其用四十有九天果以有形而不能脫乎數立
象以推策既成而遺之古所謂神交造物者非空

言耳軒皇受天命其佐皆聖人故得之惟唐繼天
德如黃帝有外臣一行亦聖之徒與刊曆考元書
成化去今丹徒人惟良生而能知非自外求以乾
坤之策當十期之數凝神運指上感躔次視玄黃
溟滓無倪有常絕機泯知獨以神會數起於復之
初九音生於黃鍾之宮積微本隱言與化合夫天
人之數極而含變變而靡不通神趨鬼懾不足駭
也惟良得一行之道故亦慕其為外臣謬謂余為
世間聰明子子來訪初以說合至於不言言息而
理冥復申之以嗟歎曰師其庶幾乎信神與之而
不能測神之所以付信術通之而不能知術之所

以淺哉余聞乎曾井蛙醯雞之不若也長慶四年
冬十一月甲子語至夜艾遂為詩以志焉

高齋灑

一作

寒水是夕山僧至玄牝無關鎖瓊書捨

一作

文字

燈明香滿室月午霜凝地語到不言時世間人盡一作睡

翠微寺有感

吾王昔遊幸離宮雲際開朱旗迎夏早一作涼軒避暑來

湯餅賜都尉寒水頒上才龍鬣一作不可望玉座生塵埃

觀柘枝舞二首

胡服何葳蕤僊僊一作登綺墀神飈獵紅蕖龍燭映一作金

枝垂帶覆纖腰安鈿當嫵眉翹袖中繁鼓傾眸遡華椽

燕秦有舊曲淮南多冶詞欲見傾城處君看赴節時

山雞臨清鏡石燕赴遙津何如上客會長袖入華裯體
輕似無骨觀者皆聳神曲盡回身處一作去層波猶注人

連州臘日觀莫徠獵西山

海天殺氣薄蠻軍步一作部伍囂林紅葉盡變原黑草初燒

圍合繁鉦息禽興大旆搖張羅依道口嗾犬上山腰猜

鷹慮奮迅驚鹿一作鹿時跼跳瘴雲四面起臘雪半空消箭

頭餘鵠血鞍傍見雉翹日暮還城邑金笳發麗譙

寄陝州姚中丞時分司東都

八月天氣肅二陵風雨收旌旗闕下來雲日關東秋禹
跡想前事漢臺餘故丘徘徊襟帶地左右帝王州留滯
悲昔老恩光榮徹侯相思望棠樹一寄商聲謳

奉酬湖州崔郎中見寄五韻

山陽昔相遇灼灼晨葩鮮同遊翰墨場和樂塤箎然一
落名宦途浩如乘風船行當衰暮日臥理淮海邊一作塹猶
期謝病後共樂桑榆年

學阮公體三首

少年負志氣信道不從時只言繩自直安知室可欺百

勝難慮敵一作慮無敵三折乃良醫人生不失意焉能慕知己

朔風悲老驥秋霜動鷲禽出門有遠道平野多層陰滅

沒馳絕塞振迅拂華林不因感衰節安能激壯心

昔賢多使氣憂國不謀身目覽千載事心交上古人侯

門有仁義靈臺多苦辛不學腰如磬徒使甑生塵

秋晚題湖城驛池上亭

秋次池上館林塘照南榮塵衣紛未解幽思浩已盈風
蓮墜故萼露菊含晚英恨為一夕客愁聽晨雞鳴

賈客詞 并引

五方之賈以財相雄而鹽賈尤熾或曰賈雄則農
傷予感之作是詞

賈客無定遊所遊唯利并眩俗雜良苦乘時取重輕心

計析秋毫一作搖一作鉤侔懸衡錐刀既無棄轉化日已盈邀

微福禱波神施財遊化城妻約雕金釧女垂貫珠纓高

貲比封君奇貨通倖卿趨時鷺鳥思藏錘盤龍形大編

浮通川高樓次旗亭行止皆有樂關梁一作無征農夫

何為者辛苦事寒耕

調瑟詞 并引

里有富豪翁厚自奉養而嚴督臧獲力屈形削猶

役之無執極一無一日不堪命亡者過半追亡者亦

不來復翁頽沮而追昨非之莫及也予感之作調

瑟詞

調瑟在張弦弦平音自足朱弦二十五缺一不成曲美

人愛高張瑤軫再三促上弦雖獨響下應不相屬日暮

聲未和寂寥一枯木却顧膝上弦流淚難相續

讀張曲江集作 并引

世稱張曲江為相建言放臣不宜與善地多徙五

溪不毛之鄉及今讀其文自內職牧始安有瘴癘
之歎自退相守荆門有拘囚之思託諷禽鳥寄詞
草樹鬱然有騷人風嗟夫身出於遐陬一失意而
不能堪矧華人士族而必致醜地然後快意哉議
者以曲江為良臣識胡鵠有反相羞凡器與同列
密啓廷爭雖古哲人不及而燕翼無似終為餒魂
豈伎心失怨陰謫最大雖二美莫贖邪不然何表
公一言明楚獄而鍾社四葉以是相較神可誣乎
予讀其文因為詩以弔

聖言貴忠恕至道重觀身法在何所恨色相一作傷斯為仁
良時難久恃陰謫豈無因寂寞韶陽廟魂歸不見人

偶作二首

終朝對尊酒嗜興非嗜甘終日偶衆人縱言不縱談世
情閑靜見藥●病多諳寄謝嵇中散予無甚不堪
萬卷堆牀書學者識其真萬里長江水征夫渡要津養
生非但藥悟佛不因人燕石何須辨逢時即至珍

昏鏡詞并引

鏡之工列十鏡於賈奩發奩而視其一皎如其九
霧如或曰良苦一作楷之不侔甚矣工解頤謝曰非不
能盡良也蓋賈之意唯售是念今夫來市者必歷
鑒一作覽周睭求與已宜彼皎者不能隱芒杪之瑕非
美容不合是用什一其數也余感之作昏鏡詞

昏鏡非美金漠然喪其晶一作精陋容多自欺謂若他鏡明
瑕疵既一作開不見妍態隨意生一日四五照自言美傾城
飾帶以紋一作綺繡裝匣以瓊瑛秦宮豈不重非適乃為輕

詠古二首有所寄

車音想麟麟不見綦下塵可憐平陽第歌舞嬌青春金
屋容色在文園詞賦新一朝復得幸應知失意人

寂寥

一作寞

照鏡臺遺基古南陽

一作方

真人昔來遊翠鳳相

隨翔目成在桑野志遂貯椒房豈無三千女初心不可
忘

磨鏡篇

流塵翳明鏡歲久看如漆門前負局人

一作生

為我一磨拂

萍開綠池滿暈盡金波溢白日照空心圓光走幽室山
神妖氣沮野魅真形出却思未磨時瓦礫來唐突

全唐詩

劉禹錫

登司馬錯古城

秦昭王命錯征五溪蠻城在武陵沅江南

將軍將一作實秦師一作帥

西南奠遐服故壘清江上蒼烟晦一作昧

喬木登臨直蕭辰周覽壯前躡塹平陳葉滿墉高秋蔓

綠廢井抽寒菜毀臺生魯一作穡穀耕人得古器宿雨多遺

鏃楚塞鬱重壘蠻溪紛詰曲留此數仞基幾人傷遠目

一作傷

謁柱山會禪師

我本山東人平生多感慨弱冠遊咸京上書金馬外結

交當世賢馳聲溢四塞勉修貴及早狙捷一作健不知退錙

銖揚芬馨尋尺招瑕類淹留郢南都一作鄒摧頽羽翰碎安
能咎往事且欲去沈痾吾師得真如寄在人寰內哀我
隋名經有如翺飛輩瞳瞳揭智燭照使出昏昧靜見玄
關啓歆然初心會夙尚一何微今得信可大覺路明證
入便門通懺悔悟理言自忘處屯道猶泰色身豈吾寶
慧性非形礙思此靈山期未卜一作來何年載

臥病聞常山旋師策勲宥過王澤大洽因寄李

六侍郎一作御

寂寂重寂寂病夫臥秋齋夜蛩思幽壁槁葉鳴空塔南
國異氣候火旻尚昏霾瘴煙跼飛羽沴氣傷百骸昨聞
凱歌旋飲至酒如淮無戰陋丹水垂仁輕崇街清廟既
策勲圓丘俟燔柴車書一以混幽遠靡不懷逐客顛顛
久故鄉雲雨乖禽魚各有化予欲問齊諧

善卷壇下作在柱山上

先生見堯心相與去一作公九有斯民既已治我得安林藪
道爲自然貴名是無窮壽瑤壇一作臺在此山識者常回首

武陵觀火詩

楚鄉祝融分炎火常爲虞是時直突煙發自晨炊徒盲
風扇其威白晝曛陽烏操縵不暇汲循牆還一作寧避踰怒
如列缺光迅與芬一作芬輪俱聯延掩四遠一作達赫奕成洪鑪
洵疑雲濤翻颯若鬼神趨當前迎焮赭是物同膏腴金
烏入梵天赤龍遊玄都騰煙透窻戶飛焰生爍樞火山

摧半空星雨灑中衢瑤壇被髻漆寶樹攢珊瑚光一作縣

與琴焦一作旗亭無酒濡市人委百貨邑令遺雙鳧餘勢

下隈隩長燠烘舳舻吹焚一作照水府炙浪愁天吳災罷

雲日晚心驚視聽殊高灰辨廩庾黑土連闔閭衆燼合

星羅遊氛鑠人膚厚地藏宿熱遙林呈驟枯火德資生

人庸可一日無御之失其道敲石彌天隅晉庫走龍劍

吳宮傷燕雛五行有沴氣先哲垂訐謨宋鄭同日起時

當賢大夫無苛自可樂弭患非所圖賢守恤人瘼臨煙

駐驪駒弔場一作色慘怛一作顏一作失詞劬愉下令蠲里布

指期輕市租開垣適未立苦蓋自相娛山木行剪伐江

泥宜瑾途一作邑一作臣不必曾一作何用徵越巫

崔元受少府自貶所還遺山薑花以詩答之

故人博羅尉遺我山薑花採從碧海上來自謫仙家雲

濤潤孤根陰火照晨葩靜搖扶桑日豔對瀛洲霞世人

愛一作芳一作辛寒擷忘幽遐傳名入帝里飛驛辭天涯王

濟本尚味石崇方鬪奢一作盤多不識綺席乃增華驛

馬損筋骨貴人滋齒牙顧予藜藿士持此重咨一作嗟

途中早發

馬踏塵上霜月明江頭路行人朝氣銳宿鳥相辭去流

水隔遠村縵山多紅樹悠悠關塞內往來一作無閑步

和董庶中古散調詞贈尹果毅

昔聽東武吟壯年心已悲如何今獲落聞君辛苦辭言

有窮巷士弱齡頗尚奇讀得玄女符生當事邊時借名
遊俠窟結客幽并兒往來長楸一作秋間能帶雙韃馳崩騰
天寶末塵暗燕南一作燕垂燿火入咸陽詔徵神武師是時
占軍幕插羽揚金羈萬夫列轅門觀射中戟支誓當雪
國讐親愛從此辭中宵倚長劔起視蚩尤旗介馬晨蕭
蕭陣雲竟天涯陰風獵一作列白草旗檠光參差勇氣貫中
腸視身忽如遺生一作曾擒白馬將虜騎不敢追貴臣上戰
功名姓隨意移終歲肌骨苦他人印纍纍謁者既清宮
諸侯各罷戲上將賜甲第門戟不可窺皆血下沾襟天
高問無期却尋故鄉路孤影空相隨行逢里中舊撲邀
一作宿昔所嗤一言合侯王腰佩黃金龜問我何自苦可憐

真數奇遲回顧徒御得色懸雙眉翻然悟世途撫已昧
所宜田園已蕪沒流浪江海湄鷺禽毛翮摧不見翔雲
一作高翔姿衰容殺逸氣孑孑無人知寂寞草玄徒長吟下書
帷為一作聞君發哀韻若扣一作紫若瑶林枝有客識其真潺湲涕
交頤飲一作勸爾一杯酒陶然足自怡

望衡山

東南倚蓋卑維嶽資柱石前當祝融居上拂朱鳥翮青
冥結精氣磅礴宣地脉還聞膚寸陰能致彌天澤

遊桃源一百韻

沅江清悠悠連山鬱岑寂回流抱絕巘皎鏡含虛碧昏
巨遞明媚煙嵐分委積香蔓垂綠潭暴龍照孤磧山下潭名

暴淵明著前志子驥思遠跡事見陶先寂寂無何鄉密爾天

地隔金行太元歲漁者偶探蹟尋花得幽踪窺洞穿闌

隙依微聞雞犬豁達值阡陌居人互將迎笑語如平昔

廣樂雖交奏海禽心不憚揮手一來歸故溪無處覓綿

綿五百載市朝幾遷革有路在壺中無人知地脉皇家

感至道聖祚自天錫金闕傳本枝玉函留寶曆禁山開

秘宇復戶潔靈宅謝康二十戶免藥檢香氛氤醮壇煙幕幕

我來塵外躅瑩若朝星析崖轉對翠屏水窮留畫鷁三

休俯喬木千級扳峭壁旭日聞撞鐘綵雲迎躡屐遂登

最高頂縱目還楚澤平湖見草青遠岸連霞赤幽尋如

夢想綿思屬空聞黃緣且忘疲耽玩近成癖清猿伺曉

發瑤草凌寒坼祥禽舞葱龍珠樹搖玃一作璫羽人顧我

笑勸我稅歸輓霓裳何飄飄童顏潔白皙重巖是藩屏

馴鹿受羈勒樓居彌一作清霄蘿鳥成翠帟仙翁遺竹杖

王母留桃核姹女飛丹砂青童護金液寶氣浮鼎耳神

光生劒脊虛無天樂來僊宰鬼兵役丹丘肅朝禮玉札

工紉繹枕中淮南方牀下阜鄉烏明燈坐遙夜幽籟聽

浙瀝因話近世仙聳然心神惕乃言瞿氏子骨狀非凡

格往事黃先生羣兒多侮劇警一作然不屑意元氣貯肝

膈往往游不歸洞中觀博奕言高未易信猶復加訶責

一日前致辭白云仙期迫言師有道骨前事常被謫如

今三山上名字在真籍悠然謝主人後歲當來覲言畢

依庭樹如煙去無跡觀者皆失次驚追紛絡繹日暮山
徑窮松風自蕭槭適逢脩蛇見瞋目光激射如巖三清
居不使恣搜索唯餘步綱勢八趾在沙礫至今東北隅
表以壇上石列仙徒有名世人非目擊如何庭廡際白
日振飛翮洞天豈幽遠得道如咫尺一氣無死生三光
自遷易因思人間世前路何狹一作窄瞥然此生中善祝
期滿百大方播羣類秀氣肖翕闢性靜本同和物牽成
阻阨是非鬪方寸輦血昏精魄遂令多天傷猶喜見斑
白喧喧車馬馳苒苒桑榆夕共安緹繡榮不悟泥途適
紛吾本孤賤世業在逢掖九流宗指歸百氏旁攜撫公
卿偶慰薦鄉曲繆推擇居安白社貧志傲玄纁辟功名

希自取簪組俟揚歷書府蚤懷鈇射宮曾發的起草香

生帳坐曹烏集柏賜燕聆簫韶侍祠闕琮璧嘗聞履忠

信可以行蠻貊自述一作希古心妄恃干時畫巧言忽成

錦苦志徒食藥平地生峰巒深心有矛戟層波一震盪

弱植忽淪溺北渚弔靈均長岑思亭伯禍來昧幾兆事

去空歎息塵累與時深流年隨漏滴才能疑木鴈報施

迷夷跖楚奏繫一作鍾儀商歌勞甯戚稟生非懸解對鏡

方感激自從嬰網羅每事問龜策王正降雷雨環玦賜

遷斥儻伏一作夷平人誓將依羽客買山構精舍領徒開

講席異無身外憂自有閑中益道芽期日就塵慮乃冰

釋且欲遺姓名安能慕竹帛長生尚學致一漑一作豈虛

擲芝朮資糗糧煙霞拂巾幘黃石履看隨洪崖肩可拍
聊復嗟蜉蝣何煩哀虺蜴青囊既深味瓊葩亦屢摘縱
一作無西山資一作猶免長戚戚

客有為余話登天壇遇雨之狀因以賦之

清晨登天壇半路逢陰晦疾行穿雨過却立視雲背白
日照其上風雷走於內澗瀆雪海翻槎牙玉山碎蛟龍
露鬢鬣神鬼含變態萬狀互生滅百音以繁會俯觀羣
動靜始覺天宇大山頂自晶一作明人間已霧霈豁然重
昏歛渙若春冰潰反照入松門瀑流飛縞帶遙光泛物
色餘韻吟天籟洞府撞仙鐘村墟起夕靄却見山下侶
已如迷世代問我何處來我來雲雨外

秋江早發

輕陰迎曉日霞霽秋江明草樹含遠思襟懷有餘清凝
睇萬象起朗吟孤憤平渚鴻未矯翼而我已遐征因思
市朝人方聽晨雞鳴昏昏戀衾枕安見元氣英元氣二字一作天地
納爽耳目變玩奇筋骨輕滄洲有奇趣浩然一作吾將行
有僧言羅浮事因為詩以寫之

君言羅浮上容易見九垓漸高元氣壯洶湧來翼身夜
宿最高峰瞻望浩無鄰海黑天宇曠星辰來逼人時
當朏魄陰物恣騰振日光吐鯨背劒影開龍鱗倏若萬
馬馳旌旗聳齋淪又如廣樂奏金石含悲辛疑其有巨
靈怪物盡來賓陰陽迭用事乃俾夜作晨咿喔天雞鳴

扶桑色昕昕赤波千萬里湧出黃金輪下視生物息霏
如隙中塵醯雞仰甕口亦謂雲漢津世人信耳目方寸
度大鈞安知視聽外怪愕不可陳悠悠想大方此乃栢
水濱知小天地大安能識其真

裴祭酒尚書見示春歸城南一作東青松塢別墅寄

王左丞高侍郎之什命同作

蚤宦閱人事晚一作曉懷生道機時從學省出獨望郊園歸
野狖度春水山花映巖扉石頭解金章林下步綠薇青
松鬱成塢脩竹盈尺圍吟風起天籟菽日無炎威危徑
盤羊腸連薨聳聳飛幽谷響樵斧澄潭一作江環釣磯因高
見帝城冠蓋揚光輝白雲難持寄清韻投所希二公如

長離一作鳳雛比翼翔太微含情謝林壑酬贈駢一作唱珠璣顧予

久即一作即潛愁寂對芳菲一聞丘中趣再撫黃金徽一作再聽撫金徽

和河南裴尹侍郎宿齋天平寺詣九龍祠祈雨

二十韻

有事九龍廟潔齋梵一作夢王祠玉簫何時絕碧樹空涼颺
吏散埃壒息月高庭宇宜重城肅穆閉澗水潺湲時人
稀夜復閑慮靜境亦隨緬懷斷鰲足凝想乘鸞姿朱明
盛農節膏澤方愆期瞻言五靈瑞能救百穀萎咿喔晨
雞鳴闌干斗柄一作杓垂修容謁神像注意陳正詞驚颺起
泓泉若調一作召雷雨師黑煙聳鱗甲灑液如芬絲豐隆震
天衢列缺揮火旗炎空忽淒緊高雷懸縵縻生物已霽

霈濕雲稍離披丹霞啓南陸白水含東菑熙熙飛走適
藹藹草樹滋浮光動宮觀遠思盈川坻吳公敏於政謝
守工爲詩商山有病客言賀舒龐眉

冬夜宴河中李相公中堂命箏歌送酒

朗朗一作琅琅鷓鴣弦華堂夜多思簾外雪已深座中人半醉
翠蛾發清響曲盡有餘意酌我莫憂狂老來無逸氣

重至衡陽傷柳儀曹

并引

元和乙未歲與故人柳子厚臨湘水爲別柳浮舟
適柳州余登陸赴連州後五年余從故道出桂嶺
至前別處而君沒於南中因賦詩以投弔

憶昨與故人湘江斫頭別我馬映林嘶君飄轉山滅馬

嘶循古道颿滅如流電千里江離春故人今不見

謫居悼往二首

邑邑一作悒悒何邑邑長沙地卑濕樓上見春多花前恨風急

猿愁腸斷叫鶴病翹趾立牛衣獨自抵誰哀仲卿泣

鬱鬱何鬱鬱長安遠如日終日念鄉關燕來鴻復還潘

岳歲寒思屈平顛顛顏殷勤望歸路無雨即登山

有獺吟

有獺得嘉魚自謂天見憐先祭不敢食捧鱗望青玄人

立寒沙上心專眼悄悄一作脰着肩漁翁以爲妖舉塊投其咽

呼兒貫魚歸與獺同烹煎關關黃金鴨大翅搖江煙下

見盈尋魚投身擘洪連一作連攬攬孳隱鱗去哺雛林岳巔鴟

烏欲伺隙遙噪莫敢前長居青雲路彈射無由緣何地
無江湖何水無鮪鱸天意不宰割菲祭徒虔虔空餘知
禮重載在淹中篇

白太守行

聞有白太守拋一作棄官歸舊谿蘇州十萬戶盡作嬰兒啼
太守駐行舟閭門草萋萋揮袂謝啼者依然兩眉低朱
戶非不崇我心如重徃華池非不清意在寥廓栖夸者
竊所一作在怪賢者默思齊我為太守行題在隱起珪

樂天寄洛下新詩兼喜微之欲到因以抒懷也

松間風未起萬葉不自吟池上月未來清輝同夕陰宮
徵不獨運塤箎自相尋一從別樂天詩思日已沈吟君
洛中作精絕百鍊金乃知孤鶴情月露為知音微之從
東來威鳳鳴歸林羨君先相見一豁平生心

月夜憶樂天兼寄微之一作月夜寄微之憶樂天

今宵帝城月一望雪相似遙想洛陽城清光正如此知
君當此夕亦望鏡一作臨湖水展轉相憶心月明一作千一作萬
里

早夏郡中書事

水禽渡殘月飛雨灑高城華堂對嘉樹簾廡合曉清拂
鏡整危冠振衣步前楹將吏儼成列簿書紛來縈言下
辨曲直筆端破交爭虛懷詢病苦懷律操剽輕閭吏告
無事歸來解簪纓高簾覆朱閣忽爾聞調笙

訓樂天七月一日夜即事見寄

夜樹風韻清天河雲彩輕故苑多露草隔城聞鶴鳴
搖落從此始別離含遠情聞君當是夕倚瑟吟商聲
外物豈不足中懷向誰傾秋來念歸去同聽嵩陽笙

令狐相公見示贈竹二十韻仍命繼和

高人必愛竹寄興良有以峻節可臨戎虚心宜待士
衆芳信妍媚威鳳難棲止遂於鞞鼓間移植東南美
封以梁國土澆之浚泉水得地色不移凌空勢方起
新青排故葉餘粉籠疎理猶復隔牆藩何因出塵滓
茲辰去前蔽永日勞瞪視槭槭林已成熒熒玉相似
規摹起心匠洗滌在頤指曲直既瞭然孤高何卓爾
垂梢覆內屏迸笋侵前祀妓席拂雲鬢寶階廢珠履
抱琴恣閑翫執卷堪斜倚露下懸明璫風來韻清徵
堅貞貫四候標格殊百卉歲晚當自知繁華豈云比
古詩無贈竹高唱從此始一聽清瑤音崢然長在耳

和令狐相公晚泛漢江書懷寄洋州崔侍郎閬州高舍人二曹長

雨過遠山出江澄暮霞生因浮濟川舟遂作適野行
郊樹映緹騎水禽避紅旌田夫捐畚鍤織婦窺柴荆
古岸夏花發遙林晚蟬清沿洄方翫境鼓角已登城
部內有良牧望中寄深情臨觴念佳期泛瑟動離聲
寂寞一病士夙昔接羣英多謝謫仙侶幾時還玉京

和樂天洛城春齊梁體八韻

帝城宜春入遊人喜意長
草生季倫谷花出莫愁坊
斷雲發山色輕風漾水光
樓前戲馬地樹下鬪雞場
白頭自爲侶綠酒亦滿觴
潘園觀種植謝墅闋池塘
至閑似隱逸過老不悲傷
相問焉功德銀黃遊故鄉

洛中早春贈樂天

漠漠復靄靄半晴將半陰
春來自何處無迹日以深
韶嫩冰後木輕盈煙際林
藤生欲有託柳弱不自任
花意已含蓄鳥言尚沈吟
期君當此時與我恣追尋
翻愁爛熳後春暮却傷心

和樂天讌李周美中丞宅池上賞櫻桃花

櫻桃千萬枝照耀如雪天
王孫讌其下隔水疑神仙
宿露發清香初陽動暄妍
妖姬滿髻插酒客折枝傳
同此賞芳月一作日幾人有華筵
杯行勿遽辭好醉逸三年

酬樂天聞新蟬見贈

碧樹鳴蟬後煙雲改容光
瑟然引秋氣芳草日夜黃
夾道喧古槐臨池思垂楊
離人下憶淚志士激剛腸
昔聞阻山川今聽同匡牀
人情便所遇音韻豈殊常
因之比笙竽送我遊醉鄉

和樂天秋涼閑臥

暑退人體輕雨餘天色改
荷珠貫索斷竹粉殘粧在
高僧掃室請逸客登樓待
槐柳漸蕭疎閑門少光彩

全唐詩
三
訓樂天詠老見示

人誰不願老老去有誰憐身瘦帶頻減髮稀冠自偏廢
書緣惜眼多炙為隨年經事還諳事閱人如閱川細思
皆幸矣下此便翛然莫道桑榆晚微一作霞尚滿天

歲夜詠懷

彌年不得意新歲又如何念昔同遊者而今有幾多以
閑為自在將壽補蹉跎春色無情故幽居亦見過

訓牛相公獨飲偶醉寓言見示

宮漏夜丁丁千門閉霜月華堂列紅燭絲管靜中發歌
眉低有思舞體輕無骨主人啓醅顏酣暢泆肌髮猶思
城外客阡陌不可越春意日夕深此歡無斷絕

萋兮吟

天涯浮雲生爭蔽日月光窮巷秋風起先摧蘭蕙芳萬
貨列旗亭恣心注明璫名高毀所集言巧智難防勿謂
行大道斯須成太行莫吟萋兮什徒使君子傷

韓十八侍御見示岳陽樓別竇司直詩因令屬

和重以自述故足成六十三韻

楚望何蒼然曾瀾七百里孤城寄遠目一寫無窮已蕩
漾浮天蓋四環宣地理積漲在三秋混成非一水冬遊
見清淺春望多洲沚雲錦遠沙明風煙青草靡火星忽
南見月破方東迤雪波西山來隱若長城起獨專朝宗
路駛悍不可止支川讓其威蓄縮至南委熊武走蠻落

熊武二
溪名

瀟湘來奧鄙炎蒸動泉源積潦搜山趾歸往無旦
夕包含通遠邇行當白露時眇視秋光裏曙色未昭晰
露華遙斐豐浩爾神骨清如觀混元始北風忽震盪驚
浪迷津浹怒激鼓鏗旬感成山歸碗鷗鵬疑變化罔象
何恢詭噓吸寫樓臺騰驤露鬢尾景移羣動息波靜繁
音弭明月出中央青天絕纖滓素光淡無際綠靜平如
砥空影渡鷓鴻秋聲思蘆葦鮫人弄機杼貝闕駢紅紫
珠蛤吐玲瓏文鯤翔旖旎水鄉吳蜀限地勢東南庫翼
軫繁垂精衡巫屹環峙名雄七澤藪國辨三苗氏唐羿
斷修蛇荆王憚丁達反青兕秦狩跡猶在虞巡路從此軒后
奏宮商騷人詠蘭芷茅嶺潛相應橘洲傍可指郭璞驗

幽經羅含著前紀觀津一作律

律

戚里族按道侯家子聯袂登

高樓臨軒笑相視假守亦高臥

實時權
領郡事

墨曹正垂耳

韓亦量
移江陵

法契濶話涼溫壺觴慰遷徙地偏山水秀客重杯盤侈

紅袖花欲然銀燈晝相似興酣更抵掌樂極同啓齒
鋒不能休藻思一何綺伊余負微尚夙昔慙知己出入

金馬門交結青雲士襲芳踐蘭室學古遊槐市策慕宋
前軍文師漢中壘陋容昧俯仰孤志無依倚衛足不如
葵漏川空歎蟻幸逢萬物泰獨處窮途否鍛翮重疊傷
競魂再三褫遽瑗亦屢化左丘猶有恥桃源訪仙宮薜
服祠山鬼故人南臺舊一別如弦矢今朝會荆巒斗酒
相宴喜為余出新什笑拈隨伸紙睡若觀五色歡然臻

四美委曲風濤事分明窮達旨洪韻發華鐘淒音激清
徵羊濬要平聲共和江淹多雜擬徒欲仰高山焉能追逸
軌湘洲路四達巴陵城百雉何必顏光祿留詩張內史

和郴州楊侍郎詵郡齋紫薇花十四韻

幾年丹霄上出入金華省暫別萬年枝看花桂陽嶺南
方足奇樹公府成佳境綠陰交廣除明豔透蕭屏雨餘
人吏散燕語簾櫳靜懿此含曉芳脩然忘簿領紫茸垂
組纓金樓攢鋒穎露溽暗傳香風輕徐就影苒弱多意
思從容占光景得地在侯家移根近仙井開尊好凝睇
倚瑟仍回頸遊蜂駐綵冠舞鶴迷煙頂興生紅藥後愛
與甘棠並不學天桃姿浮榮在俄頃

春日寄楊八唐州二首

淮西春草長淮水逶迤光燕入新村落人耕舊戰場可
憐行春守立馬看斜桑

漠漠淮上春莠苗生故壘梨花方城路荻笋蕭陂水高
齋有謫仙坐嘯清風起

訓馮十七舍人宿衛贈別五韻

少年爲別日隋宮楊柳陰白首相逢處巴江煙浪深使
星上三蜀春雨霑衣襟王程促速意夜語殷勤心却歸
天上去遺我雲間音

訓湖州崔郎中見寄

風箏吟秋空不肯指爪聲高人靈府間律呂伴咸英昔

年與兄遊文似馬長卿今來寄新詩乃類陶淵明磨礮
老益智吟詠閑彌精豈非山水鄉蕩漾神機清渚煙蕙
蘭動溪雨虹蜺生馮君虛上舍待余乘興行

秋日書懷寄河南王尹

公府想無事西池秋水清去年爲狎客永日奉高情況
有臺上月如聞雲外笙不知桑落酒今歲與誰傾

訓留守牛相公宮城早秋寓言見寄

曉月映宮樹秋光起天津涼風稍動葉宿露未生塵星
一作景氣尚芳麗曠望感心神揮毫成逸韻開閣遲來賓擺
去將相印漸爲逍遙身如招後房宴却要白頭人

海陽十詠

并引

元次山始作海陽湖後之人或立亭榭率無指名
及余而大備每疏鑿構置必揣稱以標之人咸曰
有旨異日遷官裴侍御爲十詠以示余頗明麗而
不虛美因拈拾裴詩所未道者從而和之

吏隱亭

結構得奇勢朱門交碧潯外來始一望寫盡平生心日
軒漾波影月砌鏤松陰幾度欲歸去回眸情更深

切雲亭

迥破林煙出俯窺石潭空波搖杏梁日松韻碧窻風隔
水生別島帶橋如斷虹九疑南面事盡入寸眸中

雲英潭

芳幄覆雲屏石奩開碧鏡支流日飛灑深處自疑瑩潛
去不見跡清音常滿聽有時病朝醒來此心神醒

玄覽亭

瀟灑青林際黃綠碧潭隈淙流冒石下輕波觸砌回香
風逼人度幽花覆水開故令無四壁晴夜月光來

裴溪

時御史已
過新思

楚客憶關中疏溪想汾水縈紆非一曲意態如千里倒
影羅文動微波一作浪笑顏起君今賜環歸何人承玉趾

飛練瀑

晶晶擲巖端潔光如可把瓊枝曲不折雲片晴猶下石
堅激清響葉動承餘灑前時一作池明月中見是銀河瀉

蒙池

潏潏幽壁下深淨如無力風起不成文月來同一色地
靈草木瘦人遠煙霞逼往往疑列仙圍基在巖側

棼絲瀑

飛流透嵌隙噴灑如絲棼含暈迎初旭翻光破夕曛餘
波遶石去碎響隔溪聞却望瓊沙際逶迤見脉分

雙溪

流水遶雙島碧溪相並深浮花擁曲處遠影落中心閑
鷺久獨立曝龜驚復沈蘋風有時起滿谷簫韶音

月窟

濺濺漱幽石注入團圓處有如常滿杯承彼清夜露巖

白月斜照林寒春晚煦遊人不敢觸恐有蛟龍護

武夫詞并引

有武夫過詫余以從軍之樂翌日質於通武之善
經者則曰果有樂也夫威恣而賞勞則樂用威雄
而賞競則樂橫顧其樂安出耳余惕然作是詞

武夫何洗洗衣紫襲絳堂借問胡爲爾列校在鷹揚依
倚將軍勢交結少年場探丸害公吏抽刃如名倡家產
既不事顧盼自生光醒歌高樓上袒裼大道傍昔爲
編戶人乘未甘哺糠今來從軍樂躍馬飫膏梁猶思風
塵起無種取侯王

虎丘寺路宴

青林虎丘寺林際翠微路立見山僧來遙從鳥飛處茲
峰淪寶玉千載惟丘墓埋劍人空傳鑿山龍已去捫蘿
披翳薈路轉夕陰遽虎嘯崖谷寒猿鳴松杉暮徘徊北
樓上海江窮一顧日映千里帆鷗歸萬家樹暫因愜所
適果得捐外慮庭暗棲暎雲簷香滴甘露久迷空寂理
多爲聲華故未欲投此山餘生豈能悞

缺題

故人日已遠窻下塵滿琴下坐對一樽酒恨多無力斟暮
疎螢色迥露重月華深蕙境與羣籟此時情豈任

晚步楊子游南塘望沙尾

淮海多夏雨曉來天始晴蕭條長風至千里孤雲生卑

濕久喧濁塞開偶虛清客遊廣陵郡晚出臨江城郊外
綠楊陰江中沙嶼明歸帆翳盡日去權聞遺聲鄉國殊
渺漫羈心目懸旌悠然京華意悵望懷遠程薄暮大山
上翩翩雙鳥征

和浙西李大夫晚下北固山喜徑松成陰悵然

懷古偶題臨江亭并浙東元相公所和依本韻
一辭溫室樹幾見武昌柳荀謝年何少韋平望已久種
松夾石道紆組臨沙阜日覽帝王州心存股肱守葉動
驚綵翰波澄見頽首晉宋齊梁都千山萬江口煙散隋
宮出濤來海門吼風俗上人伯餘衣冠永嘉後江長天作
限山固壤無朽自古稱巨麗非賢誰奄有八元邦族盛

萬石門風厚天柱揭東溟文星照北斗高亭一騁望舉
酒共爲壽因賦詠懷詩遠寄同心友禁中晨夜直江左
東西偶將手握兵符儒署盤貴綬頒條風有自立事言
無苟農野聞讓耕軍人不使酒用材當構厦知道寧窺
牖誰謂青雲高鵬飛終背負

始至雲安寄兵部韓侍郎中書白舍人二公近
曾遠守故有屬焉

天外巴子國山頭白帝城波清蜀棟盡雲散楚臺傾迅
瀨下哮吼兩岼勢爭衡陰風鬼神過暴雨蛟龍生硤斷
見孤邑江流照飛甍蠻軍擊嚴鼓笮馬引雙旌望闕遙
拜舞分庭備將迎銅符一以合文墨紛來縈暮色四山

起愁猿數處聲重關羣吏散靜室寒燈明故人青霞意
飛舞集蓬瀛昔曾在池籞應知魚鳥情

全唐詩

劉禹錫

更衣曲

博山炯炯吐香霧紅燭引至更衣處夜如何其一作如夜
漫漫鄰雞未鳴寒雁度庭前雪壓松桂叢廊下點點懸
紗籠滿堂醉客爭笑語嘈噴琵琶青幕中

桃源行

漁舟何招招浮在武陵水一作垂綸擲餌信流去誤入桃
源行數里清源尋盡花綿綿踏花覓徑至洞前洞門蒼
黑煙霧生暗行數步逢虛明俗人毛骨驚仙子爭來致
詞何至此須臾皆破冰雪顏笑言一作語委曲問人一作世間因

嗟隱身來種玉不知人世一作如風燭筵羞石髓勸客食
燈熨松脂留客宿雞聲犬聲遙相聞曉色葱籠開五雲
漁人振衣起出戶滿庭無路花紛紛翻然恐失一作鄉縣
處一息不肯桃源住桃花滿溪水似鏡塵心如垢洗不
去仙家一出尋無踪至今流水一作山重重

洞庭秋月行

洞庭秋月生湖心層波萬頃如一作鎔金一作鎔金一作鎔金
孤輪徐轉光不定遊氣濛濛隔寒鏡是時白露三秋中湖平月上
天地空岳陽樓一作城頭暮角絕蕩漾已過君山東山一作孤城
蒼蒼夜寂寂水月逶迤繞城白蕩漿巴童歌竹枝連檣
估客吹羌笛勢高夜久陰力全一作爽氣肅肅開星一作清躔

浮雲野馬歸四裔遙望星斗當中天天雞相呼曙霞出
斂影含光讓朝日日出喧喧人不閑夜來清景非人間

九華山歌并引

九華山在池州清陽縣西南九峰競秀神采奇異
昔予仰太華以為此外無奇愛女几荆山以為此
外無秀及今年見九華始悼前言之容易也惜其
地偏且遠不為世所稱故歌以大之

奇峰一見驚魂魄意想洪鑪始開闢疑是九龍天矯欲
攀天忽逢霹靂一聲化為石不然何至今悠悠億萬年
氣勢不死如騰音山音雲含幽兮月添冷月凝暉兮
江漾影結根不得要路津迥秀長在無人境軒皇封禪

登雲亭大禹會計臨東溟乘標力最反山行具不來廣樂絕獨與

猿鳥愁青熒君不見敬亭之山黃一作廣索漠兀如斷岸無

稜角宣城謝守一作眺一首詩遂使聲名齊五岳九華山九

華山自是造化一尤物焉能籍甚乎人間

泰娘歌 并引

泰娘本韋尚書家主謳者初尚書為吳郡得之命樂工誨之琵琶使之歌且舞無幾何盡得其術居一二歲攜之以歸京師京師多新聲善工於是又捐去故技以新聲度曲而泰娘名字往往見稱於貴遊之間元和初尚書薨於東京泰娘出居民間久之為蘄州刺史張繇所得其後繇坐事謫居武陵郡繇卒泰娘無所歸地荒且遠無有能知其容與藝者故日抱樂器而哭其音焦殺以悲一本此下有雜字客聞之為歌其事以續於樂府云

泰娘家本閭門西門前綠水環金隄有時妝成好天氣走上臯一作高橋折花戲風流太守幸尚書路傍忽見停隼

旗斗量明珠鳥傳意紺憶迎入專城居長鬟如雲衣似霧錦茵羅薦承輕步舞學驚鴻水榭春歌傳一作撩上客蘭

堂暮從郎西入帝城中貴遊簪組香簾櫳低鬟緩視抱明月纖指破撥生胡風繁華一旦有消歇題劍無光履

聲絕洛陽舊宅生草萊杜陵蕭蕭松柏哀妝奩蟲網厚如蠶博山爐側傾寒灰蘄州刺史張公子白馬新到銅

駝里自言買笑擲黃金月隨雲中一作月從此始安知鵬
鳥座隅飛寂寞旅魂招不歸秦嘉一作家鏡有前時結韓壽
香銷故篋衣山城少人江水碧斷鴈哀援風雨夕朱弦
已絕為知音雲鬢未秋私自惜舉目風煙非舊時夢尋
一作歸路多參差如何將此千行淚更灑湘江斑竹枝

龍陽縣歌

縣門白日無塵土百姓縣前挽魚罟主人引客登大隄
小兒縱觀黃犬怒鷓鴣鳴繞籬落橘柚垂芳一作芬照窗
戶沙平草綠見吏稀寂歷一作寒斜陽照縣鼓

牆陰歌

白日左右浮天潢一作光朝暉影入東西牆昔為兒童在陰

戲當時意小覺日長東鄰侯家吹笙簧隨陰促促移象
牀西鄰田舍乏糟糠就影汲汲春黃梁因思九州四海
外家家只占牆陰內莫言牆陰數尺間老却主人如等
閑君看眼前光陰促中心莫學太行山

踏潮歌并引

元和十年夏五月終風駕濤一作大風駕潮南海泛一作美溢南

人云踏潮也率三歲一有之客或言其狀因歌之

屯門積日無回颿滄波不歸成踏潮轟如鞭石矻且搖
巨空欲駕龍鼉橋驚湍蹙縮悍而驕大陵高岍失岩堯
四邊無阻音響調背負元氣掀重霄介鯨得性方逍遙
仰鼻嘘吸揚朱翹海人狂顧迭相招鬪衣髮首聲嘒嘒

征南將軍登麗譙赤旗指麾不敢囂翌日風回沴氣消
歸濤納納景昭昭烏泥白沙復滿海海色不動如青瑤

白鷺兒

白鷺兒最高格毛衣新成雪不敵衆禽喧呼獨凝寂孤
眠芊芊草久立潺潺石前山正無雲飛去入遙碧

平齊行二首

胡塵昔起薊北門河南地屬平盧軍貂裘代馬繞東岳
嶧陽孤桐削爲角地形十二虜意驕恩澤含容歷四朝
魯人皆解帶弓箭齊人不復聞簫韶今朝天子聖神武
手握玄符平九土初哀狂童襲故事文告不來方振怒
去秋詔下誅東平官軍四合猶嬰城春來羣鳥噪且驚

氣如壞山墮其庭牙門大將有劉生夜半射落攬搶星
帳中虜血流滿地門外三軍舞連臂一作舞臂驛騎函首過
黃河城中無賊天氣和朝廷侍郎來慰撫耕夫滿野行
人歌

泰山沈寇六十年旅祭不享生愁煙今逢聖君欲封禪
神使陰兵來助戰妖氛掃盡河水清日觀杲杲卿雲見
開元皇帝東封時百神受職爭奔馳千鈞猛簾順流下
洪波涵淡浮熊羆侍臣燕公秉文筆玉檢告天無媿詞
當今睿孫承聖祖岳神望幸河宗舞青門大道屬車塵
共待葳蕤翠華舉

送裴處士應制舉詩并引

晉人裴昌禹讀書數千卷於周官小戴禮尤邃性
是古敢言雖侯王不能卑下故與世相參差凡抵
有位以索合行天下幾遍常歎諸侯莫可遊欲一
見天子而未有路會今年詔書徵賢良昌禹大喜
以為可以盡豁平生搏髀躍曰一觀雲龍庭足矣
繇是裹三月糧而西徂咨予以七言為遊之資藉
耳

裴生久在風塵裏氣勁言高少知己注書曾學鄭司農
歷國多於孔夫子往年訪我到連州無窮絕境終日遊
登山雨中一作日長試蠟屐入洞夏裏披貂裘白帝城邊又相
遇歛翼三年不飛去忽然結束如秋蓬自稱對策明光

宮人言策中說何事掉頭不答看飛鴻彤庭翠松迎曉

日鳳銜金榜雲間出中一作七貴腰鞭立傾酒一作問宰臣委

佩觀搖筆古稱射策如彎弧一發偶中何時無由來草

澤無忌諱努力滿挽當亨一作雲衢憶得當一作童年識君處嘉

禾驛後聯牆住垂鈎釣得王餘魚踏芳共登蘇小墓此

事今同夢想間相看一笑且開顏老大希逢舊鄰里為

君扶病到方一作芳山

三鄉驛樓伏覩玄宗望女几山詩小臣斐然有

感

開元天子萬事足唯惜當時光景促三鄉陌上望仙山
歸作霓裳羽衣曲仙心從此在瑤池三清八景相追一作催

隨天上忽乘白雲去世間空一作惟有秋風詞

城西行

城西簇簇三叛族叛者為誰蔡吳蜀中使提刀出禁來
九衢車馬轟如一作雷臨刑與酒杯未覆雙家白官先請
肉守吏能然董卓臍飢鳥來規桓玄目城西人散泰階
平雨洗血痕春草生

武昌老人說笛歌

武昌老人一作將七十餘手把庾令相問書自言少小一作學
吹笛早事曹王曾賞激往年鎮戍到一作征斬州楚山蕭
蕭笛竹秋當時買材恣搜索典却身上烏貂裘古苔蒼
蒼封老節石上一作山孤生飽風雪商聲五音一作商音隨指發

水中龍應行雲絕曾將黃鶴樓上吹一聲占盡秋江月
如今老去語尤一作興猶遲音韻高低耳不知氣力已微心尚
在時時一曲夢中吹

西山蘭若試茶歌

山僧後檐茶數叢春來映竹抽新茸宛然為客振衣起
自傍芳叢摘鷹觜斯須炒成滿室香便酌砌下金沙水
驟雨松聲入鼎來白雲滿盃花徘徊悠揚噴鼻宿醒散
清峭徹骨煩襟開陽崖陰嶺各殊氣未若竹下莓苔地
炎帝雖嘗未解煎桐君有錄那知味新芽連拳半未舒
自摘至煎俄頃餘木蘭露一作墜露香微似瑤草臨波色不
如僧言靈味宜幽寂采采翹英為嘉客不辭緘封寄郡

齊輒井銅爐損標格何況蒙山顧渚春白泥赤印走風
塵欲知花乳清冷味須是眠雲跂石人

聚蚊謠

沈沈夏夜蘭堂開飛蚊伺暗聲如雷嘈然歛起初駭聽
殷殷若自南山來喧騰鼓舞喜昏黑昧者不分聽者惑
露花滴瀝月上天利背迎人著不得我一作微軀七尺爾如
芒我孤爾衆能我傷天生有時不可遇為爾設幄潛匡
牀清商一來秋日晚羞爾微形飼丹鳥

百舌吟

曉星寥落春雲低初聞百舌間關啼花樹一作枝滿空迷處
所搖動繁英墜紅雨笙簧百轉音韻多黃鸝吞聲燕無

語東方朝日遲遲升迎風弄景如自一作鶯數聲不盡又

飛去何許一作處相逢綠楊路綿蠻宛轉似娛人一心百舌

何紛紛醜顏俠少停歌聽墜珥妖姬和睡聞可憐光景

何時盡誰能低回避鷹隼廷尉張羅自不關潞郎挾彈

無情損天生羽族爾何微舌端萬變乘春暉南方朱鳥

一朝見索漠一作冥無言蒿下飛

飛鳶操

鳶飛杳杳青雲裏鳶鳴蕭蕭風四起旗尾飄揚勢漸高
箭頭若割聲相似長空悠悠霽日懸六翮不動疑風一作飛
煙一作飛遊鷗翔鴈出其下慶雲清景相回旋忽聞饑鳥
一噪聚瞥下雲中爭腐鼠騰音礪吻相喧呼仰天大嚇

疑鵝鵝畏人避犬投高處俛啄無聲猶屢顧青鳥自愛
玉山禾仙禽徒貴華亭一作露樸一作危巢向暮時
飽腹蹲枯枝遊童挾彈一麾射一作臆碎羽分人不悲天
生衆禽各有類威鳳文章在仁義鷹隼儀形螻蟻心雖
能戾天何足貴

秋螢引

漢陵秦苑遙蒼蒼陳根腐葉秋螢光夜空寥寂金氣淨
千門九陌飛悠揚紛紛暉映互明滅金爐星噴燈花發
露華洗濯清風吹低昂不定招搖垂高麗罍不愚照蛛網
斜歷璇題舞羅幌曝衣樓上拂香帚承露臺前轉仙掌
槐市諸生夜讀一作書北窓分明辨魯魚行子東山起征

思中郎騎省悲秋氣銅雀人歸自入簾長門帳開來照
淚誰言向晦常自明兒童走步嬌女爭天生有光非自
銜遠近低昂暗中見撮蚊妖鳥亦夜起一作翅如車輪而
已矣一作不見

傷秦姝行

河南房開士前爲虞部郎中爲余語曰我得善箏
人於長安懷遠里其後開士爲赤縣牧容州求國
工而誨之藝工而天今年開士遺余新詩有悼佳
人之句顧余知所自也惜其有良妓獲所從而
不克久乃爲傷詞以貽開士

長安二月花滿城插花女兒彈一作銀箏南宮仙郎下朝

晚曲頭駐馬聞新聲馬蹄透濕心蕩漾高樓已遠猶頻
望此時意重千金輕鳥傳消息紺輪迎芳筵銀燭一相
見淺笑低鬟初目成蜀弦錚指如玉皇帝弟子韋家
曲青牛文梓赤金簧玫瑰寶柱秋鴈行歛蛾收袂凝清
光抽弦緩調怨且長八鸞銜波銀漢九鸞威鳳鳴
朝陽曲終韻盡意不足餘忠情絕愁空堂從郎鎮南別
城闕樓船理曲瀟湘月馮夷踰躑舞淶波鮫人出聽停
綃梭北池含煙瑤草短萬松亭下清風滿北池萬松亭
一作一曲此時聞嶺泉鳴咽南雲一作斷來白長陵小市東
秦聲
薜華零落瘴江風侍兒掩泣收一作銀田鸚鵡不言愁玉
籠博山爐中香自滅鏡奩塵暗同心結從此東山非昔

遊長嗟人與弦俱絕

競渡曲

競渡始於武陵及今舉樯而相和之其音咸呼云何在斯招屈之義事見圖經

沅一作江五月平堤流邑人相將浮綵舟靈均何年歌已

矣哀謠振楫從此起楊桴一作擊節雷闐闐亂流齊進聲

轟然蛟龍得雨鬚鬣動蟠螭飲河形影聯刺史臨流褰

翠幃揭竿命爵分雄雌先鳴餘勇爭鼓舞未至銜枚顏

色沮百勝本自有前期一飛由來無定所風俗如狂重

此時縱觀雲委江之濬綵旂夾岸照蛟室羅鞞凌波呈

水嬉曲終人散空愁暮招屈亭前水東注

翰林白二十二學士見寄詩一百篇因以答貺

吟君遺我百篇詩使我獨坐形神馳玉琴清夜人不語
琪樹春朝風正吹郢人斤斲無痕跡仙人衣裳棄刀尺
世人方內欲相尋行盡四維無處覓

憶春草 春草樂天
舞妓名

憶春草處處多情洛陽道金谷園中見日遲銅駝陌上
迎風早河南大尹頻出難只得池塘十步看府門閉後
滿街月幾處遊人草頭歇館娃宮外姑蘇臺鬱鬱芊芊
撥不開無風自偃君知否西子裙裾曾拂來

樂天寄憶舊遊因作報白君以答

報白君別來已渡江南春江南春色何處好燕子雙飛
故官道春城三百七十橋夾岸朱樓隔柳條丫頭小兒

蕩畫槳長袂女郎簪翠翹郡齋北軒卷羅幕碧池逶迤
遶畫閣池邊綠竹桃李花花下舞筵鋪彩霞吳娃足情
言語黠越客有酒中冠斜坐中皆言白太守不負風光
向杯酒酒酣襍戲飛逸韻至今傳在人人口報白君相
思空望嵩丘雲其奈錢塘蘇小小憶君淚點石榴裙白
有妓近自
洛歸錢塘

兩如何詩謝裴令公贈別二首

一 言一顧重重何如今日陪遊清洛苑昔年別入承明
廬

一 東一西別別何如終期大冶再鎔鍊願託扶搖翔碧
虛

唐侍御寄遊道林嶽麓二寺詩并沈中丞姚員外所和見徵繼作

湘西古刹雙蹲蹲羣峰朝拱如駿奔青松步障深五里
龍宮黯黯神爲閣高殿呀然壓蒼巘俯瞰長江疑欲吞
橘洲泛浮金寶動水郭繚繞朱樓騫語餘百響入天籟
衆奇引步輕翩翩泉清石布博一作似棋子蘿密鳥韻如簧
言回廊架險高且曲新徑穿林明復昏淺流忽濁山獸
過古木半空天火痕星使雙飛出禁垣元侯餞之遊石
門紫髯翼從紅袖舞竹風松雪香溫磨遠持清瑣照巫
峽一憂驚斷三聲猿靈山會中身不預吟想峭絕愁精
魂恨無黃金千萬餅布地買取爲丘園

將赴汝州途出浚下留辭李相公

長安舊遊四十載鄂渚一別十四年後來富貴已零落
歲寒松柏猶一作尚依然初逢貞元尚文主雲闕天池共翔
舞相看却數六朝臣屈指如今無四五夷門天下之咽
猴昔時往往生瘡疣聯翩舊相來鎮壓四海吐納皆通
流久別凡經幾多事何由說得平生意一作愁千思萬慮盡
如空一笑一言真可貴一作休世間何事最殷勤白頭將相
逢故人功成名遂會歸老請向東山爲近鄰

平蔡州三首

蔡州城中衆心死妖星夜落照壕一作河水漢家飛將下天
來馬箠一揮門洞開賊徒崩騰望旗拜有若羣蟄驚春

雷狂童面縛登檻車太白一作大帛天矯垂捷書相公從容來
鎮撫常侍郊迎負文弩四人歸業閭里閑小兒跳浪一作
健兒舞

汝南晨雞喔喔鳴城頭鼓角音和平路傍老人憶舊事
相與感激皆涕零老人收泣一作淚前致辭官軍入城人不
知忽驚元和十二載重一作喜見天寶承平時

九衢車馬渾渾流使臣來獻淮西囚四夷聞風失七筋
一作皆失筋天子受賀登高樓妖童擢髮不足數血汚城西
一作皆失筋一杯土南峯一作烽無火楚澤閑夜行不鎖穆陵關策勳

禮畢天下泰猛士按劍看恒山時唯恒山不寒
送僧仲剛東遊兼寄呈靈澈上人

釋子道成神氣閑住持曾上清涼山晴空一作清室禮拜見真

像金毛五一作玉髻卿雲問西游長安一作樂隸僧籍本寺門前

曲江碧松間白日照寶書竹下香泉灑瑶席前時學得

經論成奔馳象馬開禪扃高筵談柄一麾拂講下門徒

如醉醒舊聞南方多長一作禪老次第來入荆門道荊州本

自重彌一作諸天南朝塔廟猶依然宴坐東陽枯樹下經行

居上一作此故臺邊忽憶遺民社中客為我衡陽駐飛錫講

罷同尋相鶴經閑來共蠟登山屐一旦揚眉望沃州自

言王謝許一作與同遊憑將雜擬三十首寄與江南湯慧休

觀棋歌送僊師西游

長沙男子東林師閑讀藝經工奕棋有時凝思如入定

暗覆一局誰能知今年訪予來小桂方袍袖中貯新勢
山人無事秋一作愁日長白晝懵懵眠匡牀因君臨局看鬪
智不覺遲景沈西牆自從仙一作山人遇樵子直到開元王
長史前身後身付餘習百變千化無窮一作看已初疑磊落
曙天星次見搏擊三秋兵鴈行布陳衆未曉虎穴得子
人皆驚行盡三湘不逢敵終日饒人損機格自言臺閣
有知音悠然遠起西遊心商山夏木陰寂寂好處徘徊
駐飛錫忽思爭道畫一作盡平沙獨笑無言心有適藹藹京
城在九天貴遊豪士足華筵此時一行出人意賭取聲
名不要錢

吐綬鳥詞并序

滑州牧尚書李公以吐綬鳥詞見示兼命繼聲蓋
尚書前爲御史時所作有翰林二學士同賦之今
所謂追和也鳥之所異具於本篇

越山有鳥翔寥廓唳中天一作吐綬光若若越人偶見而奇
之因名吐綬江南知四明天姥神仙地朱鳥星精鍾異
氣赤玉彫成彪炳毛紅綃翦出玲瓏翅湖煙始開山日
高迎風吐綬盤花條臨波似染瑯琊草映葉疑開阿母
桃花紅草綠人間事未若靈禽自然貴鶴吐明珠暫報
恩鵲銜金印空爲瑞春和秋霽野花開翫景尋芳處處
來翠幕雕籠非所慕珠丸柘彈莫相猜棲月嘯煙凌縹
緲高林先見金霞曉三山山路寄遙情刷羽揚翹欲上

征不學碧雞依井絡願隨青鳥向層城太液池中有黃
鵠憐君長向高枝宿如何一借羊角風來聽簫韶九成
曲

八月十五日夜桃源翫月

塵中見月心亦閑況是清秋仙府間凝光悠悠寒露墜
此時立在最高山碧虛無雲風不起山上長松山下水
羣動翛然一顧中天高地平十萬里少君引我昇玉壇
禮空遙請真仙官雲輶欲下星斗動天樂一聲肌骨寒
金一作朝霞昕昕漸東上輪欹影促猶頻望絕景良時難再
并他年此日應惆悵

叔父元和中徵昔事為桃源行後貶官武陵復為
翫月作並題於觀壁爾來星紀再周歲牽故此郡
仰見文字闕缺伏慮他年轉將塵沒故
鐫在貞石以期不朽太和四年阮謹記

送鴻舉遊江南

并引

始余謫朗州爾時是師振麻衣斐然而前持文篇
以為僧贊唧唧而清如蟲吟秋自然之響無有假
合有足佳者故為賦二章以聲之距今年過於建
平赤頰益蕃文思益深而內外學益富既訊已探
械中出前所與詩閱之紙勞墨瘁與我同來因思
夫冉冉之光渾渾之輪時而言有初中後之分日
而言有今昨明之稱身而言有幼壯艾之期乃至
一警效一彈指中際皆具何必求三生以異身耶
然而視予之文昔與今有莛楹之別視予之書昔
與今有鈞石之懸視予之仕昔與今乃唯阿之差

耳豈有工拙之數存乎其間哉蓋可勉而進者與
日月而至矣彼儻來外物雖日月無能至焉是歲
師告予遊江西復為賦七言以為遊地耳

禪客學禪兼學文出山初似無心雲從風卷舒來何處
繚繞巴山不得去山州一作古寺好閑居讀盡龍王宮裏
書使君灘頭揀石硯白帝城邊尋野蔬忽然登高心瞥
起又欲浮杯信流水煙波浩淼魚鳥情東去三千三百
里荆門峽一作峽斷無盤渦湘平漢闊清光多廬山霧開見
瀑布江西月淨聞漁歌鍾陵八郡多名守半是西方社
中友與師相見便談空想得一作高齋獅子吼

採菱行

并引一作採菱女

武陵俗嗜菱菱歲秋矣有女郎盛遊於馬湖薄言
採之歸以御客古有採菱曲罕傳其詞故賦之以
俟採詩者

白馬湖平秋日光紫菱如錦綵鴛翔蕩舟遊女滿中央
採菱不顧馬上郎爭多逐勝紛相向時轉蘭橈破輕浪
長髮弱袂動一作披參差釵影釧文一作紋浮蕩漾笑語哇咬顧
晚暉蓼花緣岸扣舷一作船歸歸來共到市橋步野蔓繫船
萍滿一作惹衣家家竹樓臨廣陌下有連檣多估客攜觴薦
菱夜經過醉踏大隄相應歌屈平祠下沉江水月照寒
波白煙起一曲南音此地聞長安北望三千里

和牛相公南溪醉歌見寄

脫屣將相守冲謙唯於山水獨不廉枕伊背洛得勝地
鳴臯少室來軒簷相形面勢默指畫言下變化隨顧瞻
清池曲榭人所致野趣幽芳天與添有時轉入潭島間
珍木如幄藤爲簾忽然便有江湖思沙礫平淺草纖纖
怪石釣出太湖底珠樹移自天台尖崇蘭迎風綠泛豔
坼蓮含露紅褰檐脩廊架空遠岫入弱柳覆檻流波霑
渚蒲抽芽一作英劔脊動岸荻迸笋錐頭鈎攜觴命侶極永
日此會雖數心無厭人皆置莊身不到官貴難與逍遙
兼唯公出處得自在決就放曠辭炎炎座賓盡歡恣談
謔媿我掉頭還奮髯能令商於多病客亦覺自適非沈
潛

和浙西李大夫霜夜對月聽小童吹感篳歌依
本韻

海門雙青暮煙歇萬頃金波湧明月侯家小兒能感篳
對此清光天性發長江凝練樹無風瀏慄一聲霄漢中
涵胡畫角怨邊草蕭瑟清蟬吟野叢冲融頓挫心使指
雄吼如風轉如水思婦多情珠淚垂仙禽欲舞雙翅起
郡人寂聽衣滿霜江城月斜樓影長纔驚指下繁韻息
已見樹杪明星光謝公高齋吟激楚戀闕心同在羈旅
一奏荆人白雪歌如聞雒客扶風鴈吳門水驛接山陰
文字殷勤寄意深欲識陽陶能絕處少年榮貴道傷心

歎水別白二十二韻至

七韻

水至清盡美從一勺至千里利人利物時行時止道性
淨皆然交情淡如此君遊金谷堤上我在石渠署裏兩
心相憶似流波潺湲日夜無窮已

同留守王僕射各賦春中一物從一韻至七

鶯能語多情春將半天欲明始逢南陌復集東城林疎
時見影花密但聞聲營中綠催短笛樓上來定哀箏千
門萬戶垂楊裏百轉如簧煙景晴

傷我馬詞

生於磧礧善馳走萬里南來困丘阜青菰寒菽非適口
病聞北風猶舉首金臺已平骨空朽投之龍淵從爾友

清湘詞

一作瀟湘曲

二首

湘水流湘水流九疑雲物至今愁君問二妃何處所零

陵香草雨

一作露

中收

斑竹枝斑竹枝淚痕點點寄相思楚客欲聞瑤瑟怨瀟
湘深夜月明時

和樂天春詞依憶江南曲拍爲句

春去也多謝洛城人弱柳從風疑舉袂叢蘭衰露似露
巾獨坐亦含頰

春過也笑惜豔陽年猶有桃花流水上無辭竹葉醉樽
前惟待見青天

澤宮詩

四首

秩秩澤宮有的維鵠祁祁庶士於以干祿彼鵠斯微若

止若翔千里之差起於毫芒我矢既直我弓既良依於
高墉因我不臧高墉伊何維器與時視之以心誰謂鶴
微

酬令狐相公六言見寄 六言

已嗟別離太遠更被光陰苦催吳苑燕辭人去汾川鴈
帶書來愁吟月落猶望憶夢天明未回今日便令歌者
唱兄詩送一杯

荅樂天臨都驛見贈 六言

北固山邊波浪東都城裏風塵世事不同心事新人何
似故人

再贈樂天 六言

一政政官軋軋一年年老駸駸身外名何足算別 一作來
詩且同吟

酬楊侍郎憑見寄 六言

十年毛羽摧頽一旦天書召回看看瓜時欲到故侯也
好歸來

全唐詩

劉禹錫

春有情篇

為問遊春侶
春情何處尋
花含欲語意
草有鬪生心
雨頻催發色
雲輕不作陰
縱令無月夜
芳興暗中深

七夕二首

河鼓靈旗動
嫦娥破鏡斜
滿空天是幕
徐轉斗一作地為車
機罷猶安石
橋成不礙槎
誰一作寧知觀津女
竟夕望雲涯
天衢啓雲帳
神一作德馭上星橋
初喜渡河漢
頻驚轉斗杓
餘霞張錦幃一作幙
輕電閃紅綃
非是人間世
還悲後會遙

邊風行

邊馬蕭蕭鳴邊風滿磧生暗添弓箭力斗一作半上鼓聲聲
襲月寒暈起吹雲陰陣成將軍占氣候出號夜翻營一作安號
畏翻城

送工部蕭郎中一作侍郎刑部李郎中並以本官兼
中丞分命充京西京北覆糧使

霜簡映金章相輝同舍郎天威巡虎落星使出鴛行尊
俎成全策京坻閱見糧歸來虜塵滅畫地奏明光

送太常蕭博士棄官歸養赴東都時元兄罷相為少師仲兄為郎官並分司洛邑

兄弟盡鴛鸞歸心切問安貪榮五綵服遂掛兩梁冠侍
膳曾調鼎循陔更握蘭從今別君後長憶一作向德星看

送河南皇甫少尹赴絳州

祖帳臨周道前旌指晉城午橋羣吏散亥字老人迎詩
酒同行一作每同樂別離方見情從此洛陽社吟詠屬書生

發華州留別張侍御一作賈

東簡下延閣買符驅短轅同人惜分袂結念醉芳樽切
切別弦急蕭蕭征騎一作馬煩臨岐無限意相視却忘言張詩
云夫子生知者相期妙理中遂有忘言之句

奉送家兄歸王屋山隱居二首據道書王屋山一名洛陽山一作陽洛山

洛陽一作陽洛天壇上依稀似玉京夜分先見日月靜遠一作忽聞
笙雲路將雞犬丹臺有姓名古來成道者兄弟亦同行
春來山事好歸去亦逍遙水淨苔莎色露香芝朮苗登

臺吸瑞景飛步翼神飈願薦墳麓曲相將學玉簫

送王師魯一作曾協律赴湖南使幕即永穆公之孫

翩翩馬上郎驅傳渡三湘橘樹沙洲暗松醪酒肆香素

風傳竹帛高價聘琳瑯楚水多蘭芷一作若何人事蹇一作擯芳

送趙中丞自司金郎一作司直郎轉官參山南令狐僕

射幕府趙氏兄弟皆僕射門客

綠樹滿褒斜西南蜀路賒驛門臨白草一作經赤縣縣道入一作道

過黃花相府開油幕門生逐絳紗行看布政後還從入

京華

送盧處士歸嵩山別業

世業嵩山一作陽隱雲深無四鄰藥爐燒姹女酒甕貯賢人

晚一作曉日華陰霧秋風函谷塵送君從此去鈴閣少談賓

洛中送崔司業使君扶侍赴唐州

綠野芳城路殘春柳絮飛風鳴驪驪馬日照老萊衣洛

苑魚書至江村鴈戶歸相思望淮水雙鯉不應稀

送李友路秀才赴舉

誰憐相門子不語望秋山生長綺紈內辛勤筆硯間榮

親在名字好學棄官班佇俟明年桂一作社高堂開笑顏

送從弟郎中赴浙西并引

從弟三復十餘年間凡三為浙右從事往年主公

入相薦敷登朝中復從公鎮南未幾而罷昨以尚

書外郎奉使至洛旋承新命改轅而東三從公皆

在舊地徵諸故事實無其倫故賦詩贈之亦志異也

銜命出尚書新恩換使車漢庭無右者梁苑重歸歟又
食建業水曾依京口居共經何限事實主兩如初

送元

一作元曉

上人歸稽亭

重疊稽亭路山僧歸獨行遠峰斜日影本寺舊鐘聲徒
侶問新事煙雲愴一作舍別情應誇乞食處踏遍鳳凰城

贈別君素上人詩

并引

曩予習禮之中庸至不勉而中不思而得懽然知
聖人之德學以至於無學然而斯言也猶示行者
以室廬之奧耳求其徑術而布武未易得也晚讀

佛書見大雄念佛之普級寶山而梯之高揭慧火
巧鎔惡見廣疏便門旁東邪徑其所證入如舟泐
川未始念於前而日遠矣夫何勉而思之耶是余
知突與於中庸啓鍵關於內典會而歸之猶初心
也不知余者謂予困而後援佛謂道有二焉夫悟
不因人在心而已其證也猶暗人之享太牢信知
其味而不能形於言以聞於耳也口耳之間兼寸
耳尚不可使聞他人之不吾知宜矣開士君素偶
得余於所親一麻栖草千里來訪素以道眼視予
予以所視視之不由陞級攜手智地居數日告有
得而行乃爲詩以見志云

窮巷唯秋草高僧獨扣門相歡如舊識問法到無言水
為一作與風生浪珠非塵可昏悟一作去來皆是道此別不銷魂

送深法師遊南岳上人本住資聖寺

師在白雲鄉名登一作高善法堂十方傳句偈八部會壇場
飛錫無定所寶書留舊房唯應銜果一作草鴈相送至衡陽

贈別約師并引

荊州人文約市井生而雲鶴性故去葷為浮圖生
悟而證入南抵六祖初生之墟得遺教甚悉今年
訪余于連州且曰貧道昔浮湘川會柳儀曹謫零
陵宅於佛寺幸聯棟而居者有年由是時人大士
得落耳界夫間為見因今日之來曩時之因耳時

儀曹牧柳州與八句贈別

師逢吳興守一作寺相伴住禪扃春雨同栽樹秋燈一作風對講
經廬山曾結社桂水遠揚舫話舊還惆悵天南望柳星

秋日過鴻舉法師寺院便送歸江陵并引

梵言沙門猶華言去欲也能離欲則方寸地虛虛
而萬象入入必有所泄乃形乎詞詞妙而深者必
依於聲律故自近古而降釋子以詩聞於世者相
踵焉因定而得境故翛然以清由慧而遣辭故粹
然以麗信禪林之藹萼而戒河之珠璣耳初鴻舉
學詩於荆郢間私試竊詠發於餘習蓋榛楛之翠
羽弋者未之眇焉今年至武陵二千石始奇之有

起予之歎以方袍親絳紗者十有餘旬繇是名稍
聞而藝愈變閏八月余步出城東門謁仁祠而鴻
舉在焉與之言移時因告以將去且曰貧道雅聞
東諸侯之工爲詩者莫若武陵今幸承其話言如
得法印寶山之下宜有所持豈徒衣襪之中衆花
而已余聞是說乃叩商而吟成一章章八句郡守
以坐嘯餘詠激清微而應之師其行乎足以資一
時之學矣

看一作學畫長廊遍尋僧一徑幽小池兼鶴淨古木帶蟬秋
客至茶煙起禽歸講席收浮杯明日去相望水悠悠
春日退朝

紫陌夜來雨南山朝下看戟枝迎日動閣影助松寒瑞
氣轉一作卷綃縠遊光泛一作浮波瀾御溝新柳色處處拂歸鞍

蜀先主廟漢末詭黃牛白腹五銖當復

天地一作下英雄氣千秋尚凜然勢分三足鼎業復五銖錢
得相能開國生兒不象賢淒涼蜀故妓來舞魏宮前

經東都安國觀九仙公主一作九公子舊院作

仙院御溝東今來事不同門開青草日樓閉綠楊風將
火一作大昇天路披雲一作霓赴月宮武皇曾駐蹕親問主人翁

觀八陣圖

軒皇傳上略蜀相運神機水落龍蛇出沙平鵝鶴飛波
濤無動勢鱗介避餘威會有知兵者臨流一作岐指是非

八月十五日夜翫月

天將今夜月一遍洗寰瀛暑退九霄淨秋澄萬景清
星辰讓光彩風露發晶英能變人間世儵然是玉京

大和戊申歲大有年詔賜百寮出城觀秋稼謹
書盛事以俟采詩者

長安銅雀鳴秋稼與雲平玉燭調寒暑金風報一作振順成
川原呈上瑞恩澤賜閑行欲反一作及重一作皇城掩猶聞歌吹

一作舞聲

金陵懷古

潮滿冶一作臺城渚日斜征虜亭一作蔡洲新草綠幕府舊煙
青興廢由人事山川空地形後庭花一曲幽怨不堪聽

晝居池上亭獨吟

日午樹陰正獨吟池上亭靜看蜂教誨閒想鶴儀形
法酒調神氣清琴入性靈浩然機已息几杖復何銘

分司東都蒙襄陽李司徒相公書問因以奉寄

早一作登忝金馬客晚一作暮為商洛翁知名四海內多病一生

公中舉世往還盡何人心事同幾時登峴首恃一作懷舊揖三

門下相公榮加冊命天下同歡忝沐眷私輒感
申賀

冊命出宸衷官儀自古崇特膺平土拜光贊格天功一作宮
再佩扶陽印常乘鮑氏驄七賢遺老在猶得詠清風

病中一二禪客見問因以謝之

勞動諸賢者同來問病夫添爐煮雀一作持雞舌灑水淨龍鬚
身是芭蕉喻行須筇竹一作杖扶醫王有妙藥能乞一丸無

秋江晚泊

長泊起秋色空江涵霽暉暮霞千萬狀賓鴻次第飛古
戍見旗迥荒村聞犬稀一作阿峨一作阿編上客勸酒夜相依

步出武陵東亭臨江寓望

鷹至感風候霜餘變林麓孤颿帶日來寒江轉沙曲戍
搖旗影動津晚櫓聲促月上彩霞收漁歌遠相續

秋日送客至潛水驛

候吏立沙際田家連竹溪楓林社日鼓茅屋午時雞鵲

噪晚禾地蝶飛秋草畦驛樓宮樹一作樹近疲馬再三嘶

湖州崔郎中曹長寄三癖詩自言癖在詩與琴
酒其詞逸而高吟詠不足昔柳吳興亭臯隴自
之句王融書之白團扇故為四韻以謝之

視事畫屏中自稱三癖翁管弦泛春渚旌旆拂晴虹酒
對青山月琴韻白蘋風會書團扇上知君文字工
為郎分司寄上都同舍

籍通金馬門家在銅駝陌省闈晝無塵宮樹朝一作遠凝碧
荒街淺深轍一作荒皆古渡潺湲石唯有嵩丘雲堪誇早朝
客

登陝州北樓却憶京師親友

獨上百尺樓目窮思亦一作愁初日徧露草野田荒悠悠
塵息長道白林清宿煙收回首雲深處永懷鄉舊遊一作
鄉遊

途中早發

中庭望啓明促促事晨征寒樹鳥初一作動霜橋人未行
水流白煙起日上彩霞生隱士應高枕無人問姓名
陝州河亭陪韋五大夫雪後眺望因以留別與
韋有布衣之舊一別二紀經遷貶而歸

雪霽太陽津城池表裏春河流添馬頰原色動龍鱗萬
里獨歸客一杯逢故人登一作高向西望關路正飛塵

城東一作閑遊

借問池臺主多居要路津千金買絕境永日屬閑人竹
逕縈紆入花林委曲巡斜陽衆客散空鎖一園春
罷郡歸洛陽閑居

十年江海守旦夕有歸心及此西還日空成東武吟花
間數杯酒月下一作張琴聞說功名事依前惜寸陰

晚泊牛渚

蘆葦晚風起秋江鱗甲生殘霞忽變一作色遊雁有餘聲
戍鼓音響絕漁家燈火明無人能詠史獨自月中行

宿誠禪師山房題贈二首

宴坐白雲端清江直下看來人望金刹講席繞香壇虎
嘯夜林動鼉鳴秋澗寒衆音徒一作起滅心在淨一作定中觀

不出孤峰上人間四十秋視身如傳舍閱世一作甚東流
法為因緣立心從次第修中宵問真偈有住是吾憂

贈澧州高大夫司馬霞寓

前年牧一作收錦城馬蹋血泥行千里追戎首三軍許勇名
殘兵疑鶴唳空壘辯烏聲一誤雲中級南遊湘水清

聞董評事疾因以書贈董生奉內典

繁露傳家學青蓮譯梵書火風乖四大文字廢三餘歎
枕晝眠靜一作晚折巾秋鬢疎武皇思視草誰許茂陵居

詠庭梅寄人一作庭梅詠寄人

蚤花常犯寒繁實常苦酸何事上春日坐令芳意闌
挑定相笑遊妓肯回看君問調金鼎方知正味難

德宗神武孝文皇帝挽歌二首

出震清多難乘時播大鈞操弦調六氣揮翰動三辰運
偶升天日哀深率土人瑤池無轍迹誰見屬車塵

鳳翣擁銘旌威遲異吉行漢儀陳祕器楚挽咽繁聲駐
綉辭清廟凝笳背直城唯應留一作晉內傳知是向蓬瀛

敬宗睿武昭愍孝皇帝挽歌三首

寶曆方無限仙期忽有涯事親崇漢禮傳聖法殷家晚
出芙蓉闕春歸棠棣華玉輪今日動不是畫雲車

任賢勞夢寐登位富春秋欲遂東人幸一作行寧虞杞國憂
長楊收羽騎太液泊龍舟惟有衣冠在年年愴月遊

講學金華殿親畊鈞盾田侍臣容諫獵方士信求一作遊仙

虹影俄侵日龍髯不上天空餘水銀海長照夜燈前

文宗元聖昭獻孝皇帝挽歌三首

繼體三才理承顏九族親禹功留海內殷曆付天倫調

露曲常在秋風詞一作調尚新本支方百代先讓棟華春

月落宮車動風淒儀仗閑路唯瞻鳳翥人尚想龍顏御

宇方無事乘雲遂不還聖情悲望處沈日一作見日下西山

享國十五載升天千萬年龍鑣仙路遠騎吹禮容全日

下初陵外人悲舊劍前周南有遺老掩淚望秦川

故相國燕國公于司空挽歌二首

彫弓封舊國黑弮繼前功十年鎮南雍九命作司空池

臺樂事盡簫鼓葬儀雄一代英豪氣曉散白楊風

陰山貴公子來葬五陵西前馬悲無主猶帶朔風嘶漢

水晉一作青山郭襄陽白銅鞮至今有遺愛日暮人悽悽

傷丘中丞并引

河南丘絳有詞藻與余同升進士科從事鄴下不

幸遇害故為傷詞

鄴下殺才子蒼茫冤氣凝枯楊映漳水野火上西陵馬

鬣今無所龍門昔共登何人為弔客唯是有青蠅

河南觀察使故相國袁公挽歌三首

五驅龍虎節一入鳳凰池令尹自無喜羊公人不疑天

歸京兆日葉下洞庭時湘水秋風至淒涼吹素旗

丹旄發江臯人悲雁亦號湘南罷亥市漢上改詞曹表

墓雙碑立尊名一字褒嘗聞平楚獄為報里門高

返葬二千里荆衡達帝畿逢人即一作多故吏拜奠盡沾衣

地得青烏相賓驚白鶴飛五一作羊公碑尚在今日亦同歸

哭王僕射相公名播時兼
鹽鐵暴榮

子侯一作子侯
一作子與一日病勝公千載歸門庭愴一作颯已變風物澹

無輝羣吏謁新府舊賓沾素衣歌堂忽暮哭賀雀盡驚

飛

傷韋賓客自工部尚書除賓客
一作傷韋賓客續

韋公八十餘位至六尚書五福唯無富一生誰得如桂

枝攀最一作收實久蘭省出仍初海內時流盡何人動素車

再經故元九相公宅池上作

故池春又至一到一傷情雁鷺羣猶下蛙螟一作蟻衣已生

竹叢身後長臺勢雨來傾六尺孤安一作猶在人間未有名

請告東歸發灞橋却寄諸僚友

征徒出灞涘回首傷如何故人雲雨一作水散滿目山川多

行車無停軌流景同迅波前歡漸成昔感歎益勞歌

初至長安時自外郡
再授郎官

左遷凡二紀重見帝城春老大歸朝客平安出嶺人每

行經舊處却想似前身不改南山色其餘事事新

歲杪將發楚州呈樂天

楚澤雪初霽楚城春欲歸清淮變寒色遠樹含清暉原

野已多思風霜潛減一作減威與君同旅雁北向刷毛衣

鶴歎二首

并引

友人白樂天去年罷吳郡挈雙鶴雛以歸余相遇于楊子津閱一作玩終日翔舞調態一符相書信華亭之尤物也今年春樂天為秘書監不以鶴隨置之洛陽第一旦予入門問訊其家人鶴軒然來睨如記相識徘徊俛仰似含情顧慕填膺而不能言者因作鶴歎以贈樂天

寂寞一雙鶴主人在西京故巢吳苑樹深院洛陽城徐引竹間步遠舍雲外情誰憐好風月鄰舍夜吹笙東鄰即王家丹頂宜承日霜翎不染泥愛池能久立看月未成棲一院春草長三山歸路迷主人朝謁早貪養汝南雞

答白刑部聞新蟬

蟬聲未發前已自感流年一入淒涼耳如聞斷續弦晴清依露葉晚急畏霞天何事秋卿詠逢時亦悄然

和裴相公寄白侍郎求雙鶴

皎皎華亭鶴來隨太守船白君罷吳郡太守携雙鶴來青雲意長在一作青雲長在意滄海別經年留滯清洛苑裴回明月天何如鳳池上雙舞入祥煙

終南秋雪

南嶺見秋雪千門生早寒閑時駐馬望高處卷簾看霧散瓊枝出日斜鉛粉殘偏宜曲江上倒影入清瀾

和樂天早寒

兩引苔侵壁風驅葉擁堦久留閑客話宿請老僧齋酒
甕新陳接書籤次第排翛然自有處搖落不傷懷

曲江春望

鳳城煙雨歇萬象含佳氣酒後人倒狂花時天似醉三
春車馬客一代繁華地何事獨傷懷少年曾得意

同樂天和微之深春二十首

同用家花
車斜四韻

何處深春好春深萬乘家宮門皆映柳輦路盡穿花池
色連天漢城形象帝車旌旗暖風裏獵獵向西斜

何處深春好春深阿母家瑤池長不夜珠樹正開花橋

峻通星渚樓暄近日車層城十二闕相對日西

一作斜
玉梯

何處深春好春深執政家恩光貪捧日貴重不看花玉

饌堂交印沙隄柱礙車多門一已閉直道更無斜

何處深春好春深大鎮家前旌光照日後騎蹙成花節

院收衙隊毬場簇看車廣筵歌舞散書號夕陽斜

何處深春好春深貴戚家極嘶無價馬庭發有名花欲

進宮人食先薰命婦車晚歸長帶酒冠蓋任傾斜

何處深春好春深恩澤家爐添龍腦炷綬結虎頭花賓

客珠成履嬰孩錦縛車畫堂簾幕外來去燕飛斜

何處深春好春深京兆家人眉新柳葉馬色醉桃花盜

息無鳴鼓朝回自走車能令帝城外不敢逕由斜

何處深春好春深刺史家夜闌猶命樂雨甚亦尋花傲

客多憑酒新姬苦上車公門吏散後風擺戟衣斜

何處深春好春深羽客家芝田繞舍色杏樹滿山花雲
是淮王宅風爲列子車古壇操簡處一逕入林斜
何處深春好春深小隱家芟庭留野菜撼樹去狂花醉
酒一千日貯書三十車雉衣從露體不敢有餘斜
何處深春好春深富室家唯多貯金帛不擬負鶯花國
樂呼聯轡行厨載滿車歸來看理曲燈下寶釵斜
何處深春好春深豪士家多沽味濃酒貴買色深花已
臂鷹隨馬連催妓上車城南踏青處村落逐原斜
何處深春好春深貴胄家迎呼偏熟客揀選最多花飲
饌開華幄笙歌出鈿車興酣罇易罄連瀉酒瓶斜
何處深春好春深唱第家名傳一紙榜興管九衢花薦

聽諸侯樂來隨計吏車杏園拋曲處揮袖向風斜
何處深春好春深少婦家能偷新禁曲自剪入時花追
逐同遊伴平章貴價車從來不墮馬故遣髻鬟斜
何處深春好春深幼女家雙鬟梳頂髻兩面繡帶花妝
壞頻臨鏡身輕不占車鞦韆爭次第牽拽綵繩斜
何處深春好春深蘭若家當香收柏葉養蜜近梨花野
逕宜行樂遊人盡駐車菜園籬落短遙見桔槔斜
何處深春好春深老宿家小欄圍蕙草高架引藤花四
字香書印三乘壁畫車遲回聽句偈雙樹晚陰斜
何處深春好春深種蒔家分畦十字水接樹兩般花櫛
比栽籬槿咿啞轉井車可憐高處望基布不曾斜

何處深春好春深稚子家爭騎一竿竹偷折四鄰花笑
擊羊皮鼓行牽犢領車中庭貪夜戲不覺玉繩斜

贈眼醫婆羅門僧

三秋傷望眼一作遠望終日哭一作泣途窮兩目今先暗中年似老

翁看朱漸成碧羞日不禁風師有金篦術如何爲發蒙

海門潮別浩初師一作送如智法師遊辰州兼寄許許事

前日過蕭寺看師上講筵都人禮白足施者散金錢方

便無非教經行不廢禪還一作遙知習居士發論侍一作待彌天

唐詩

劉禹錫

始聞蟬有懷白賓客去歲白有聞蟬見寄詩云
祇應催我老兼遣報君知之句

蟬韻極清切始聞何處悲人含不平意景值欲秋時此
歲方晚晚誰家無別離君言催我老已是去年詩

贈樂天

一別舊遊盡相逢俱涕零在人雖晚達於樹似冬青痛
飲連宵醉狂吟滿坐聽終期拋印綬共占少微星

到郡未浹日登西樓見樂天題詩因即事以寄

樂天自此郡謝病西歸

湖上收宿雨城中無畫塵樓依新柳貴池帶亂苔春雲
水正一望簿書來繞身烟波洞庭路愧彼扁舟人

秋夕不寐寄樂天

洞戶夜簾卷華堂秋簟清螢飛過池影蛩思繞階聲老
枕知將雨高窗報欲明何人諳此景遠問白先生

冬日晨興寄樂天

庭樹曉禽動郡樓殘點聲燈挑紅燼落酒煖白光生髮
少嫌梳利顏衰恨鏡明獨吟誰應和須寄洛陽城

答樂天見憶

與老無期約到來如等閑偏傷朋友盡移興子孫間筆
底心無毒杯前膽不豚呼關切頑也亦作豚唯餘憶君夢飛過武牢

關

和樂天誚失婢榜者

把鏡朝猶在添香夜不歸鴛鴦拂瓦去鸚鵡透籠飛不
逐張公子即隨劉武威新知正相樂從此脫青衣

八月十五日夜半雲開然後翫月因書一時之
景寄呈樂天

半夜碧雲收中天素月流開城邀好客置酒賞清秋影
透衣香潤光凝歌黛愁斜輝猶可翫移宴上西樓西樓白居易常賦詩之所也

秋日書懷寄白賓客

州遠雄無益年高健亦衰興情逢酒在筋力上樓知蟬

噪芳意盡鴈來愁望時商山紫芝客應不向秋悲

訓樂天初冬早寒見寄

乍起衣猶冷微吟帽半欹霜凝南屋瓦雞唱後園枝洛水碧雲曉吳宮黃葉時兩傳千里意書札不如詩

和令狐相公郡齋對紫薇花

明麗碧天霞丰茸紫綬花香聞荀令宅艷入孝王家幾歲自榮樂一作辱高情方歎嗟有人移上苑猶足占年華

令狐相公俯贈篇章斐然仰謝

鄂渚臨流別梁園衝雪來旅愁隨凍釋歡意待花開城曉烏頻起池春鴈欲回飲和心自醉何必管弦催

酬令狐相公早秋見寄

公來第四秋樂國號無愁軍士遊書肆商人占酒樓熊羆交黑稍賓客滿青油今日文章主梁王不姓劉

和令狐相公入潼關

寒光照旌節關路曉無塵吏謁前丞相山迎舊主人東瞻軍府靜西望勅書頒心共黃河水同昇天漢津

和令狐相公尋白閣老見留小飲因贈

傲士更逢酒樂天仍對花文章管星曆情興占年華宦達翻思退名高却不誇惟存浩然氣相共賞煙霞

酬令狐相公雪中遊玄都見憶

好雪動高情心期在玉京人披鶴氅出馬踏象筵行照耀樓臺變淋漓松桂清玄都留五字使入步虛聲

和令狐相公以司空襄相見招南亭看雪四韻
重門不下關樞務有餘閑上客同看雪高亭盡見山瑞
呈霄漢外興入笑言間知是平陽會人人帶酒還

和鄆州令狐相公春晚對花

朱門退公後高興對花枝望闕無窮思看書欲盡時含
芳朝競發疑豔晚相宜人意殷勤惜狂風豈得知

酬令狐相公春日言懷見寄

前陪看花處鄰里近王昌今想臨戎地旌旗出汶陽營
飛柳絮雪門耀戟枝霜東望清河水心隨艣上郎

途次大梁雪中奉天平令狐相公書問兼示新
什因思曩歲從此拜辭形於短篇以申仰謝

遠守宦情薄故人書信來共曾花下別今獨一作坐雪中回
紙尾得新什眉頭還暫開此時同鴈鷺池上一徘徊

酬令狐相公秋懷見寄

寂寞蟬聲靜差池燕羽回秋風憐越絕朔氣想臺駘相
去數千里無因同一杯殷勤望飛鴈新自塞垣來

酬大原令狐相公見寄

書信來天外瓊瑤滿匣中衣冠南渡遠旌節北門雄鶴
唳華亭月馬嘶榆塞風山川幾千里惟有兩心同

酬令狐相公歲暮遠懷見寄

韻依

別侶孤鶴怨冲天威鳳歸容光一以間夢想是耶非芳
訊遠彌重知音老更稀不如湖上鴈北向整毛衣

酬令狐相公親仁郭家花下即事見寄

荀令園林好山公遊賞頻豈無花下侶遠望眼中人斜
日漸移影落英紛委塵一吟相思曲惆悵江南春

酬令狐相公首夏閑居書懷見寄

蕙草芳未歇綠槐陰已成金壘唯獨酌瑤瑟有離聲翔
泳各殊勢篇章空寄情應憐三十載未變使君名

貞元中
自郎官

出守至今
三十一年

酬令狐相公庭前白菊花謝偶書所懷見寄

數叢如雪色一旦冒霜開寒藥差池落清香斷續來思
深含別怨芳謝惜年催千里難同賞看看又早悔

酬令狐相公季冬南郊宿齋見寄

壇下雪初霽南城凍欲生齋心祠上帝高步領名卿沐
浴含芳澤周旋聽佩聲猶憐廣平守寂寞竟何成

貞元中侍郎舅氏牧華州時余再忝科第前後

由華觀謁陪登伏毒寺屢焉亦曾賦詩題於梁

棟今典馮翊暇日登樓南望三峰浩然生思追

想昔年之事因成篇題舊寺

曾作關中客頻經伏毒巖晴煙沙苑樹晚日渭川帆昔
是青春貌今悲白雪髯郡樓空一望含意卷高簾

酬令狐相公杏園花下飲有懷見寄

年年曲江望花發即經過未飲心先醉臨風思倍多三
春看又盡兩地欲如何日望長安道空成勞者歌

令狐相公見示題洋州崔侍郎宅雙木瓜花頃
接待郎同舍陪宴樹下吟翫來什輒成和章

金牛蜀路遠玉樹帝城春榮耀生華館逢迎欠主人簾
前疑小雪牆外麗行塵來去皆回首情深是德鄰

和令狐相公春早朝回鹽鐵使院中作

柳動御溝清威遲堤上行城隅日未過山色雨初晴鷺
避傳呼起花臨府署明簿書盈几案要自有高情

和令狐僕射相公題龍回寺

茲地回鑾日皇家禪聖時路無胡馬跡人識漢官儀天
子旌旗度法王龍象隨知懷去家歎經此益遲遲

有喬木之息

相公家本咸陽

令狐相公頻示新什早春南望遐一作遙想漢中因

抒短章以寄情愫一作誠素

軍城臨漢水旌旆起春風遠思見江草歸心看塞鴻野
花沿古道新葉映行宮惟有詩兼酒朝朝兩不同

和令狐相公詠梔子花

蜀國花已盡越桃今已開色疑瓊樹倚香似玉京來且
賞同心處那憂別葉催佳人如擬詠何必待寒梅

訓令狐相公新蟬見寄

相去三千里聞蟬同此時清吟曉露葉愁噪夕陽枝忽
爾弦斷絕俄聞管參差洛橋碧雲晚西望佳人期

訓樂天閑臥見寄

散誕向陽眠將閑敵地仙詩情茶助爽藥力酒能宣風
碎竹間日露明池底天同年未同隱緣欠買山錢

訓樂天小亭寒夜有懷

寒夜陰雲起疎林宿鳥驚斜風閃燈影迸雪打窗聲竟
夕不能寐同年知此情漢皇無柰老何況本書生

將之官留辭裴令公留守

祖帳臨伊水前旌指渭河風煙里數少雲雨別情多重
疊受恩久遭回如命何東山與東閣終異再經過

訓喜相遇同州與樂天替代

舊託松心契新交竹使符行年同甲子筋力羨丁夫別
後詩成帙攜來酒滿壺今朝停五馬不獨爲羅敷

前章所
言春草

白君之舞妓
也故有此答

閒坐憶樂天以詩問酒熟未

案頭開縹帙肘後檢青囊唯有達生理應無治老方減
書存眼力省事養心王君酒何時熟相攜入醉鄉

秋中暑退贈樂天

暑服宜秋著清琴入夜彈人情皆向菊風意欲摧蘭歲
稔貧心泰天涼病體安相逢取次第却甚少年歡

樂天池館夏景方妍白蓮初開綵舟空泊唯邀
緇侶因以戲之

池館今正好主人何寂然白蓮方出水碧樹未鳴蟬靜
室宵聞磬齋厨晚絕煙蕃僧如共載應不是神仙

全唐詩
訓樂天感秋涼見寄

庭晚初辨色林秋微有聲
檜衰猶強笑蓮迥却多情
簷燕歸心動鷓鷹俊氣生
閑人占閑景酒熟且同傾

秋晚新晴夜月如練有懷樂天

雨歇晚霞明風調夜景清
月高微暈散雲薄細鱗生
露草百蟲思秋林千葉聲
相望一步地脉脉萬重情

新秋對月寄樂天

月露發光彩此時方見秋
夜涼金氣應天靜火星流
蛩響偏依井螢飛直過樓
相知盡白首清景復追遊

訓樂天小臺晚坐見憶

小臺堪遠望獨上清秋時
有酒無人勸看山祇自知
幽

禽轉新竹孤蓮落靜池
高門勿遽掩好客無前期

早秋雨後寄樂天

夜雲起河漢朝雨灑高林
梧葉先風落草蟲迎濕吟
簟涼扇恩薄室靜琴思深
且喜炎前別安能懷寸陰

秋晚病中樂天以詩見問力疾奉酬

耳虛多聽遠展轉晨雞鳴
一室背燈臥中宵掃葉聲
蘭芳經雨敗鶴病得秋輕
肯踏衡門草唯應是友生

和樂天燒藥不成命酒獨醉

九轉欲成就百神應主持
嬰啼鼎上去老貌鏡前悲
却顧空丹竈回心向酒卮
醺然耳熱後暫似少年時

元日樂天見過因舉酒爲賀

漸入有年數喜逢新歲來震方天籟動寅位帝車回門
巷掃殘雪林園驚早梅與君同甲子壽酒讓先杯

訓馬大夫以愚獻通草菱蕤酒感通拔二字因
而寄別之作

泥沙難振拔誰復問窮通莫訝提壺贈家傳枕麴風成
謠獨酌後深意片言中不進終無已應須荀令公

奉和司空裴相公中書即事通簡舊僚之作

譚笑在巖廊人人盡所長儀形見山立文字動星光日
運丹青筆時看赤白囊佇聞戎馬息入賀領鴛行

微之鎮武昌中路見寄藍橋懷舊之作悽然繼
和兼寄安平

今日油幢引他年黃紙追同爲三楚客獨有九霄期宿
草恨長在傷禽飛尚遲武昌應已到新柳映紅旗

將赴蘇州途出洛陽留守李相公累申宴餞寵
行話舊形於篇章謹抒下情以申仰謝

歲杪風物動雪餘宮苑晴免園賓客至金谷管弦聲洛
水故人別吳宮新燕迎越郎憂不淺懷袖有瓊英

牛相公留守見示城外新墅有溪竹秋月親情
多往宿遊恨不得去因成四韻兼簡洛中親故
之什兼命同作

別墅洛城外月明村野通光輝滿地上絲管發舟中堤
豔菊花露島涼松葉風高情限清禁寒漏滴深宮

牛相公林亭雨後偶成

飛雨過池閣浮光生草樹新竹開粉奩初蓮蕪香注野
花無時節水鳥自來去若問知境人人間第一處

酬滑州李尚書秋日見寄

一入石渠署三聞宮樹蟬丹霄未得路白髮又添年雙
節外臺貴孤簫中禁傳微黃在旦夕早晚發南燕
和西川李尚書漢州微月遊房太尉西湖

木落漢川夜西湖懸玉鈎旌旗環水次舟楫泛中流目
極想前事神交如共遊瑤琴久已絕松韻自悲秋

和重題

林端落照盡湖上遠嵐清水榭芝蘭室仙舟魚鳥情人

琴久寂寞煙月若平生一泛釣璜處再吟鏘玉聲

酬李相公喜歸鄉國自鞏縣夜泛洛水見寄

鞏樹煙月上清光含碧流且無三巴色猶泛五湖舟鵬
息風還起鳳歸林正秋雖攀小山桂此地不淹留

和李相公平泉潭上喜見初月

家山見初月林壑悄無塵幽境此何夕清光如爲人潭
空破鏡入風動翠蛾曠會向瑣窗望追思伊洛濱

事
和李相公初歸平泉過龍門南嶺遙望山居即

暫別明庭去初隨優詔還曾爲鵬一作鵬鳥賦喜過鑿龍山
新墅煙火起野程泉石間巖廊人望在只得片時閑

和李相公以平泉新墅獲方外之名因爲詩以
報洛中士君子兼見寄之什

業繼韋平後家依崑閬間恩華辭北第瀟灑愛東山滿
室圖書在入門松菊閑垂天雖暫息一舉出人寰

發蘇州後登武丘寺望海樓一作望梅樓

獨宿望海樓夜深珍木冷僧房已閉戶山月方出嶺碧
池涵劍彩寶刹搖星影却憶郡齋中虛眠此時景

松江送處州奚使君

吳越古今路滄波朝夕流從來別離地能使管弦愁江
草帶煙暮海雲含雨秋知君五陵客不樂石門遊

題報恩寺

雲外支硎寺名聲敵虎丘石文留馬跡峰勢聳牛頭泉
眼潛通海松門預帶秋遲回好風景王謝昔曾遊

罷郡姑蘇北歸渡楊子津

幾歲悲南國今朝賦北征歸心渡江勇病體得秋輕海
澗石門小城高粉堞明金山舊遊寺過岸聽鐘聲

故國荒臺在前臨震澤波綺羅隨世盡麋鹿古時多築
用金錐力摧因石鼠窠昔年雕輦路唯有采樵歌此首一作姑蘇

詩臺

尋汪道士不遇

仙子東南秀冷然善馭風笙歌五雲裏天地一壺中受
籙金華洞焚香玉帝宮我來君閉戶應是向崆峒

謝柳子厚寄疊石硯

常時同硯席寄硯一作此感離羣清越敲寒玉參差疊碧雲
烟嵐餘斐疊水墨兩氛氲好與陶貞白松窓寫紫文

元日感懷

振蟄春潛至湘南人未歸身加一日長心覺去年非
燎火委虛燼兒童街彩衣異鄉無舊識車馬到門稀

謝宣州崔相公賜馬

浮雲金絡膝一作腦昨日別朱輪銜草如懷戀嘶思尚意頻
曾將比君子不是換佳人從此西歸路應容躡屣

南中書來

君書一作來問風俗此地接炎州淫祀多青鬼居人少白頭

旅情偏在夜鄉思豈唯秋每羨朝宗水門前盡日流

題招隱寺

隱士遺塵在高僧精舍開地形臨渚斷江勢觸山回楚
野花多思南禽聲例哀殷勤最高頂閑即望鄉來

思歸寄山中友人

蕭條對秋色相憶在雲泉木落病身死一作起潮平歸思懸
涼鐘山頂寺暝火渡頭船此地非吾土閑留又一年

有感

死且不自覺其餘安可論昨宵鳳池客今日雀羅門騎
吏塵未息銘旌風已翻平生紅粉愛惟解哭黃昏

途次敷水驛伏覩華州舅氏昔日行縣題詩處

潛然有感

昔日股肱守朱輪茲地遊繁華日已謝章句此空留蔓
草佳城閉故林棠樹秋今來重垂淚不忍過西州

奉和鄭相公以考功十弟山薑花俯賜篇詠

採擷黃薑榮封題青瑣闈共聞調膳日正是退朝歸響
為織筵發情隨綵翰飛故將天下寶萬里與光輝

題淳于髡墓

生為齊贅婿死作楚先賢應以客鄉一作鄉葬故臨官道邊

寓言本多興放意能合權我有一石酒置君墳樹前



